



पुर्खां दयक तकगु सम्पत्ति, भोगु कला व संस्कृति
पिकाक-भक्तपुर नगरपालिका



पुर्खां दयक तकगु सम्पत्ति, भोगु कला व संस्कृति

स्वयं

नेपाल संवत् १९४१ सिल्लाश्वः/२०७७ फागुन १/२०२१ Feb./ ल्याः २९, दौः३



खवप नगरपालिका

श्वास-प्रश्वास पुनर्स्थापना केन्द्रया उलेज्या

ख्वपया रानीपुखु ल्हवड च्वंथाय निरीक्षण
(२०७७ माघ २७ गते)



बाराही ताँ दाड च्वंथाय निरीक्षण
(२०७७ माघ २० गते)



भीगुहे मौलिक शैलीं जलेश्वर देगः दानय्गु ज्या न्ह्यात

खप नगरपालिका वडा नं. १ दुधपाटी च्वंगु हिंन्यगू सदिंखय दाड तःगु भाज्या पुखु या दश्वी च्वंगु जलेश्वर महाद्योया देगः २०७७ माघ २२ गते निस्वानय्गु ज्या खप नगरपालिकाया प्रमुख सुनिल प्रजापति जुं याड दिल ।

उगु ऐतिहासिक भाज्या पुखुया दश्वी जलेश्वर महाद्योया देगः दःगु खाँ अपःसिनं मस्यू । पुखु दश्वी छगः चाया दोम्पव दःगु जक खांगु व धःपुं अपलं मनूत दःसां उगु ट्रम्पवलय जलेश्वर महाद्योया देगः दःगु जक धाय् फःपुं सुं हे मरु । तस्कं स्यड पुखुथें हे मच्वनय् धुंगु उगु भाज्या पुखु २०५९ सालय उब्लेया खप नगरपालिकाया जनप्रतिनिधिपिसं ल्हवनय्गु ज्या न्ह्याकगु खः । अलय् उब्लेया सरकारं स्थानीय जनप्रतिनिधि पिनगु म्याद थप मयागु व इलय हे निर्वाचन नं मयागुलिं उगु पुखु ल्हवनय्गु ज्या पू वांकय् मफूत ।

पुरातात्विक महत्व कःघाड च्वंगु उगु पुखु ल्हवनय्गु ज्या २०७४ सालय स्थानीय तहया निर्वाचित जनप्रतिनिधिपिसं बाहाल याडानिं हकनं ज्या न्ह्याकला । पुखुया फुक्क सत्य-तथ्य खाँ सिडकः पुलांगु भीगु मौलिक पहलं हे पुखु दय्केगु मतिं प्रा.डा.पुरुषोत्तम लोचन श्रेष्ठया कजिलय् छगू कार्यदल (ज्या साना पुचः) दयकला । ज्या साना पुचं थ्यं मथ्यं न्ह्य्ला तक अध्ययन -अनुसन्धान याड, हिल, माल, न्यड स्वयो प्रतिवेदन बुभय् यात । उगु प्रतिवेदनं भाज्या पुखु हिंन्यगू सदिंखय् दयकगु जक न्हूंगु तथ्य पिब्वगु खः ।

पुखुया दश्वी च्वंगु जलेश्वर देगः न्हःपां (दक्षिणाभिमुख) दक्षिण पाखय् स्वयो च्वंगु खः धाय्गु मतिं नक्सा दयकला । अलय् लिपा आना उत्खननया भूवल्य लुयो वगु पुरातात्विक वस्तुया लिधंसाय् देगः पश्चिमाभिमुख (पश्चिम पाखय् स्वःगु) खाँ ज्यासाना पुचलं स्पष्ट यात । खप नगरपालिकां लिपा लासां मौलिकता म्वाक तय्गु मतितयो वहे काथं नक्सा हिडकः हकनं मेकाथं नक्सा दयकः ल्हवनय् कानय् व दानय्गुज्या न्ह्याकल ।

कला-संस्कृति म्वाकः तय्गुलि न्ह्यलुवा काथं ज्यासाड वयोच्वंगु खप नगरपालिकां भाज्यापुखुली लुयो वगु प्रमाणया लिधंसाय् भीगु थःगुहे पहया मौलिक शैलीं जलेश्वर महाद्योया देगः दयकिगु आशा याय् ।

भाज्या पुखु ल्हवड च्वंगु इलय यँया रानी पुखु ल्हवनय्गु खाँ नं जुला । पुनः निर्माण प्राधिकरणया प्रमुख सुशिल ज्वाली थःहे भाज्या पुखुली भायो पुखु दय्क च्वंगु स्वयो दिल । अलय वयकलं यँया रानी पुखु ल्हवनय्गु गवाहाली पर्वसेलीं खपय् नं प्राविधिक जनशक्ति वाड रानी पुखु ल्हवड बिला । व सकल खपया जनतायालागिं लसताया खाँ खः ।

अः हकनं भाज्या पुखुली दश्वीया जलेश्वर महाद्योया देगः निस्वांगु खाँ खं खपया जनता लय् ताये च्वंगु दः । अः ला-बला लिपा प्राचीन शैलीया भाज्या पुखु जनतां स्वय खानी । खपया छगः ऐतिहासिक पुखुया पुनर्जीवन जुड । देशं दुनय्या आन्तरिक व देशं पिनय्या वाह्य पर्यटकपुं आकर्षित जुयो थुगु पुखु स्वः वडबलय् थुकिं हकनं छगू उपःयोगदान याई । भाज्यापुखु ल्हवनय्गु ज्या खपया जनताया तस्कं गौरवया योजना खः । श्व ज्या मथां हे पू वानि । मेमेगु सम्पदा ल्हवनय्गु इलय गुगु जनश्रमदान ब्यूगु खः थुगु पुखु ल्हवनय्गु व जलेश्वर महाद्योया देगः दानय्गु भूवल्य नं खप नगरपालिकाया ध्यान वानि धाय्गु आशायाय् ।

पिकाक-खप नगरपालिका/सम्पादक-आशाकुमार चिकबञ्जार, डेस्कटप-धन लक्ष्मी त्यात, आवरण सज्जा-रेणु ध्वजू, थाकू- भक्तपुर अफसेट प्रिन्टर्स फोन ल्याः ०१-६६९३०४३, ई-मेल- khwopapau@gmail.com

प्रगतिशील पत्रिकां क्वयया वर्गया दुःख-कष्ट व

उकिं मुक्त जुयगु उपाय क्यनि


• का.रोहित

(श्रमिक वा पौ, मजदुर न्हि पौ, अनलायन मजदुरया निस्वाना दिवसया लसताय वहे विषयसं नेपाल मजदुर किसान पार्टीया श्रद्धय अध्यक्ष नारायणमान बिजुक्छें जु नपां ख्वप-पौ पाखं याडागु खँलाबला-सं)

न्हयस : पत्रकारिता लागाय यक्क-यक्क दाँतक ज्या साड द्यूगु नातां पत्रिका व पत्रकारिताया महत्व बारे छुं खाँ काड दीला थै?

लिस : मस्तबलय निसैं हे पत्र-पत्रिका स्वयगु बानी जूगुलिं पत्र-पत्रिकाया महत्व थुइक हे पत्र-पत्रिकां देश-विदेशया राष्ट्रिय व अन्तर्राष्ट्रिय समस्या बारे खाँ थुइकयगु सयके-सिइकेगु ह्वता चूलाड च्वंगु दः । पत्र-पत्रिका, रेडियो, टि भि, मोबाइल व इन्टरनेट वइगु जानकारी मक सिं च्वनयगु धायगु दां दां तक खापा तिड कोथाय याकचा च्वड च्वनयगु थें जुई । थौ कन्हे न्हिया न्हिथं विज्ञान व प्रविधिया न्हँ न्हँगु उपलब्धी, आर्थिक व राजनैतिक उत्थान व पतन, युद्ध व शान्ति लव्य व लव्य लाकिगु अचुक उपचार जनतातयक्य वगु राष्ट्रिय संकीर्णता व अन्धराष्ट्रवाद व वडा राष्ट्रअहंकारवाद थजगु विषयलय नपां हलिमयया जनतात पलाचा पतिक थुइकः सुसूचित जुयो च्वंगु दः । पत्रकारितां हे जक हलिमयया अपलं अपः जनतातयता स्वमं थें छुपुं तुं सुकाय हानयगु ज्या याड च्वंगु दः । थवहे पत्रकारिताया ज्वः मरुगु महत्व खः ।

न्हयस : न्हँगु पुस्ताया पासापिसं पत्रकारिता सौखया विषय धायो च्वंगु दः । छिं धः सा वर्गीय जुई धायो द्यूगु



दः । तयक पिन्ता गथे लाँपु तयड दी थै?

लिस : मिखाया तःगु लव्यया उपचार व अप्रेशन लिपा जक अचम्म चायो मनूतयसं मिखाया डाक्टरतयता न्हयल न्हयल सुभाय देछाइ-‘डाक्टर साहेव छिं जिता मिखा बियो दिल, जिं अः संसार बांलाक स्वय फत, धाई ।’

पत्र-पत्रिका ब्वनय वं मेपुं नपां थः थः गु समाज व देया अवस्थाया जानकारी नपां छु गुलि पाता जक लाड स्वयगु क्षमता ब्वलानि ।

लेनिनं धायो द्यू काथं-‘हलुवावेद नयो स्वपिसं जक उकिया सब सिई, जड्ग बहादुरं बेलायत यात्रा याडानिं तिनि सिला-बेलायतीत न्हयाब्लें सुथाय-सुथाय पत्र-पत्रिका ब्वनिपुं जक । उकिया अर्थ खः भ्नी नेपःमिपुं अंग्रेजत स्वयो गुलि लिपा ला दक सिइकय फः ।

छूगु छूगु सभ्य देश व सभ्य नागरिकपिसं पत्र-पत्रिका साफू ब्वनि धायबलय सत्य खाँ धायगु थें जुई । खः,

धाथें पत्र-पत्रिका नं आस्थाया पत्रिका व व्यवसायिक (ब्यापारी)पत्र पत्रिका याड नेश्व दै । वर्गीय खाँ थू पिसं ज्या साड नैपुं ज्यापु ज्यामि वर्गता भिं यायगु मतिं जक पत्रिका चले याड च्वंगु दै ।

न्हयस : पत्रिका पासं जनताया सेवा गथे याय फै ? प्रगतिशील पत्रिका व पीत पत्रिकां गज-गजगु ज्या इवः त याय फः? काड दीला थै?

लिस : देश विदेशया धाथें खःगु सत्य घटना तयगु जानकारी नपां अजगु घटनां जुइगु, वयफःगु बांलागु व बाँमलागु लिचवत नपां पाठकपिन्ता बियगु धायगु हे पत्रिकां जनताता सेवा बियगु खः ।

प्रगतिशील पत्रिकां क्वयया वर्गया दुःख-कष्ट व उकिं मुक्त जुयगु उपाय व मुक्तिया नितिं याइगु संघर्षया समर्थन व अत्याचारी तयसं याइगु अत्याचारया फुक्क जात प्वलयगु ज्या याई ।

दसुया नितिं सं.रा. अमेरिकां मे मेगु साम्राज्यवादी देशं थः वं थवयु दाजुकिजा, जला खाला दे पिन्ता नपां ल्वाकयगु ज्या याई । आधुनिक व तस्कं थिकय थिकयगु ल्वाभः (हतियार) त मियो जनधनता अपलं नास याकी । थुकिया उदाहरण कोरिया युद्ध (१९५०), भियतनाम युद्ध, इराक, लिबिया, अफगानिस्तान, सिरिया आदि देशय किटाणु रासायनिक व बिषालु युद्धत पाखं पुस्तौ पुस्ता तक विकलांग व अड्ग भड्ग जूपुं मचात बुयो च्वंगु दः । जापानया हिरोसिमा व नागासाकी क्वफ्वागु अणुबमं थौं नं जनतात पीडित जुयो च्वंगु दः ।

ड्यडागूगु स्वप पौ. बःछि पौ(पाक्षिक)

प्रतिक्रियावादी वा पीत पत्रकारितां साम्राज्यवादी व प्रतिक्रियावादी तयसं यागु अन्याय अत्याचारया समर्थन याई । नपां बेक्वयक खाँ ल्हाड वा चाचाहिडक खाँ काड जनताता भ्रम ब्वलांक मखुगु खाँ खः थें च्वक प्रचार याई । थः वं थव्य जनताया दथ्वी ल्वाकः नुतुसुतु मदयकः तछ्याडः, प्रजातन्त्रया नामय भ्रष्टाचार याडः, याक्यगु स्यड च्वनि । फोहर व म्वः मरुगु समाचार व बाखंत छापय् याड न्हँगु पुस्ताता छाडा याई । गुकिया कारणं अनेक बलात्कार व हत्याया घटनात अप्वयो च्वंगु खः । अथेहे संकिपा (सिनेमा) व साहित्य नं अजगु हे म्वरुगु रतिरागया अशिल्ल बाखं, प्याखं साहित्य व सिनेमां फयां फक्व बाँमलागु खाँ ज्या स्यनिगुलिं दर्शक, पाठक पिन्ता थजगु ज्या स्यनिगु पाय्छी मजु । अथेनं पत्र पत्रिकातयसं शोषक तयता काथं छिनिगु भिंगु मभिंगु फुक्क ज्या याड च्वनि । च्वई, छापे याई । चीनं कोरोना भव्लवय (कोभिड १९) मेगु देशय् पुंक्ला दक अमेरिकाया पत्र-पत्रिकां बय बय याता । अथेनं सन २०१९ या डिसेम्बर महिनाय् अमेरिकाया छगू अमेरिकी प्रयोगशाला तिड छवगु खाँ प्याहाँ वला । नेपालय् नेपाली कांग्रेस समर्थक पिसं प्रधानमन्त्रीया निवास बालुवाटारय् धर्ना बियो चीनय ब्वड च्वंपुं ब्वनामि पिन्ता काथं मछिंगु इलय् हे लिता ब्वड काय्ता दबाब बिला । अजगु फुक्क मखु-मखुगु प्रचार अमेरिकी पीत पत्रकारिताया दुष्कर्म खः ।

न्ह्यस : न्हँगु पुस्ताया पासापुं छु च्वयगु? गथे च्वयगु जक धाडगु । न्हँगु पुस्ताया पासापिन्ता च्वयगु प्रेरणा व लाँपु क्यनयगु खाँ छु धारो दिला थें ?

लिस : न्हँगु पुस्ताया पासापिसं पत्र-पत्रिकात ब्वनयगु , नाइक, ब्वनय् हार्यपुक सरल व आकर्षक भाय् व शैलीखय्

धात्थें खःगु खाँत च्वयगु, जनताया मन थाहाँ वडगु काथं उत्साह बियो निराशा मदयक छवयगु ज्या याय्मः । उकिया नितिं नेगू प्यंगू च्वसुया आलोचना व आत्मलोचना खं न्हँ पुं पासापिसं मथां सय्की । सल्हाबल्हा, अन्तरक्रियां नं तस्कं बांला जुई ।

न्ह्यस : पत्रिका चलय् यायगु अःपुगु ज्या मखु धाई । श्रमिक वा पौ व मजदुर णिह पौ मदितक न्ह्याड च्वंगु खाड मेमेगु पार्टीया मनुत छक्क जुयो न्यड च्वनि । थ गथे सम्मत दता?

लिस : धात्थें खः, न्हःपां-न्हःपा पत्रिकात चलेयाय्ता भी थजपुं दलित व पीडित जनतातयता तस्कं थाकुई । च्वयगु थाकु (प्रेसय्) य् छवयगु, प्रेसया कम्पोजिटर वा टाइप याडपुं पासापुं न्हँ पुं जुई । नेपाली ब्याकरणखय् बांलागु ज्ञान मदयो नं अपलं गल्ली-कमजोरी दैगु जुल । ग्राहक व पाठक तयसं न्हँपां ब्वनयगु बानी मदैगुलिं ब्वनिमखु अलय् धेबा नं बिडमखु , तः तः हांगु ब्यावसायिक पत्रिका गरिब जनताया पत्रिका स्वयो अपलं धेबा दांकः तपाँ दयकः मू म्हवचा दक तयो मिई । अमिसं म्हवचा जक मू तयो मियफःगु या कारण तः तः हांपुं ब्यापारी तयगु बिबदेशी ऐला, चुरोट आदि सामानया विज्ञापनं लाखौं-लाख धेबा बियो ग्वाहाली याई । थाकु मचःसैं फुक्क गरिबपुं व प्रगतिशील जनता छप्पा-छधि जूसा थाकुगु व मफैगु धाय्गु छुं हे दैमखु । भी थाय् ज्या सानिपुं ल्यासे-ल्याम्होपुं किजा-केहँपिसं बलुहुँ बांलाक सयकः सिडकथुडकः है । तः तः हांगु पत्रिकातय् लछीया करोडौंया ल्या चा दै सा भी दाच्छीया छगू नेगू लाखया जक ल्या चा दै । गरिब व तःमिपिनिगु ल्वापु थथे हे जुई । भी थाकु मचः से हज्याड वानयगु खः ।

जिं न्यडागु काथं 'श्रमिक' वा पौ

व 'मजदुर' न्हिपौ ग्राहक पिनिगु छँ छँ इड ब्यू वानिपुं केहँ किजा पुं नेगू प्यंगू तगिलय् ब्वसां निसैं ज्या याड अः स्नातक एम.ए., शिक्षक व इञ्जिनियर थी थी पेशाय् गर्वसाथ ज्या साड च्वंगु दः । गुलिसिनं चिनाखँ व बाखं नं च्वयगु या । **न्ह्यस : जिपुं थजपुं न्हँपुं (नव प्रवेशी) पत्रकार पासापिन्ता लिपाथंयक थुगु लागाय् टेकय् जुयो च्वनयता छु छु सन्देश बियो दी थें?**

लिस : हजार माइलया यात्रा छपला छिड हे न्ह्याकी धाय्थें च्वच्वं व छापय् यायां यंकय् बलय् ग्राहकपुंनपां अन्तरक्रिया यायां वानय् बलय् भीगु मचः मगागु खाँत क्यड ब्यूगुयाता ल्हवड यंकल धःसा काब्ल्यां खराचाय्ता बुकला धःगु बाखं थाना खः सावित जुई । सान्दर्भिक जुई ।

भीसं याय् फैं धाय्गु मति तयो थः थः गु कर्तब्य पू वांकः हज्याड वान धःसा मेमेगु देशय् थें प्रेसर कम्पोजिटर जुयो ज्या सांम्हा पत्रकार राष्ट्रपति जूगु दः । लेनिनं थःता पत्रकार हे धाई ।

कार्लमार्क्स नं पत्रिकाय् च्वसुत च्व च्वं सम्पादक जुयो दिल । अलय् ज्यासाड नैपुं ज्यापु-ज्यामि वर्गया मुक्ति दाताकाथं हज्याड दिला । वयक दिक्क मचः सैं, थाकु अःपु पित्या मधःसैं सरकारया सेन्सर व ज्वड यंकिगु कुनिगु खाड मग्यासैं थःगु ज्याखय् हज्याड दिला । भियतनामया राष्ट्रपति हो चि मिन्ह थः हे फ्रान्सय छम्हा पत्रकार जुयो ज्या साड दिला । अफ्रिकाया थी थी देशया जनताया सुख-दुःख व उपनिवेशवादीतय्गु अत्याचारया जातःप्व प्वं भाला ।

स्तालिन व माओत्सेतुड नं गुप्त पत्रिकात चलय् याड दी । धात्थेंगु खाँ छुलय् धःसा च्वयता मदिक विषय वस्तुया अध्ययन यायां वानय मः ।

भूगु पौ वर्ग दुश्मनता घःपः याडगु स्यल्लागु ज्याभः

विस्तारवाद व साम्राज्यवादया विरुद्धय न्ह्याळ्ले सः श्वयकः वयो च्वंगु नेपः देशय् छुं नं पौ दःसा श्रमिक वापौ व मजदुर न्हिपौ हे खः । विज्ञान व प्रविधि या विकासं मजदुर व श्रमिक नेपः देशय जक मखु हलिमयया न्ह्यागु नं थासय् च्वड नं ब्वनय् फैं गु जुल । थौं वयो श्रमिक वा पौ व मजदुर न्हि पौ विस्तारवाद व साम्राज्यवाद विरोधी ध्वार्यँ काथं म्हासिइका पिब्वयो हज्याड च्वंगु दः ।

प्रतिगमन विरोधी आन्दोलनया इलय् 'श्रमिक' व 'मजदुर' प्रतिक्रियावादीतय्गु विरुद्धया पर्चा व आन्दोलन हछ्याय्ता मिप्वांथें ज्या साना । सात दलया म्हुतुई - म्हुतुई घाडाथें हालः, धायो वयो च्वंगु पौ खः श्रमिक व मजदुर । थौं या शन्तिपूर्ण इलय् नं प्रतिक्रियावादीतय्गु कुकृत्यता जनताया हःनयँ जात प्वलय्गु ज्या श्वहे पौ पाखं याड वयो च्वंगु दः ।

समाज वर्गीय जुथें पौ नं वर्गीय जुडगु स्वाभाविक खः । पुँजीवादी वर्गया सेवा याडगु त त पाँ गु, स्वय हे बांलागु, ज्यगु मज्यगु विज्ञापनं जःगु अपलं पौ त पिथाड च्वनि । अजगु पौखं ज्या साड नैपुं ज्यापु-ज्यामिया पालिडः छगः आखः हे च्वइ मखु । बरु खःगु मखुगुं खाँत खः थें च्वकः च्वयो ज्यापु-ज्यामिया आन्दोलन क्यत्यलय्गु ज्या चाय्कं नं मचाय्कनं कृतः याड च्वनि ।

पुँजीवादी ब्यवस्थाय् तः तः पाँगु पौतः, रेडियो, टि.भी. थजगु सञ्चार माध्यम तय्सं अर्बपति खर्बपति तय्गु लाय् खय् न्ह्याक च्वनि । अमिसं प्रेस व स्वतन्त्रताया तः तः सलं वकालत याई । अलय् पुँजीपतितय्गु पा लिड च्वई । बय बय याई । ज्या साड नैपुं ज्यापु-ज्यामिवर्गया पक्षखय् जुयो च्वंगु आन्दोलनता न्ह्यो छ्वय्ता दय्क तःगु सरकारया नीतिया छाय्पियो तस्कं बांला, न्यायपूर्ण खः धायकेगु कुतः याई । अथेजगुलि ज्यापु-ज्यामि वर्गया पौ वर्ग दुश्मनता घःपः याडगु स्यल्लागु ज्या भः खः । छगू काथंया सेना हे खः ।

संविधान सभाय् ३ प्रतिशतया मतसीमा (श्रेस होल्ड) या



सुनिल प्रजापति

खाँ न्हिथाड च्वंगु इलय् नेपाल मजदुर किसान पार्टी उगु खाँया मदिक विरोध याता, अथेनं तः तः हांगुं धःगु पौखं, राज्य न्ह्याक च्वंगु फुक्क सञ्चार माध्यमत छ्यलः मतसीमाया बारे जनताता भ्रम ब्वलांकय्गु ज्या याड च्वना । म्हँवजक मतया ल्या दःगु पार्टीया हुनिं तः क हे सरकार हिलय् मःगु अकिया फुक्क दोष चिच्या-चिच्या हांगु पार्टीता कुबिइकल । अलय् मतसीमा सम्बन्धी बन्दोबस्त अत्यधिक बहुमतं पारित यात । थौं अस्थिरताया कारणं पुँजीवादी दलत उखय् थुखय्जुयो च्वंगु दः । अलय् संविधानय् उगु प्रावधानं खारेज याय्ता यक्व ई संघर्ष याय् मालि तिनि ।

नेपाल मजदुर किसान पार्टी राष्ट्रिय पार्टीया मान्यता काय्ता ३ प्रतिशत मतसीमा मखु थःगु 'खःपौ' पिथानय् मःगु सः श्वयकल । अलय् भूगु सः अमिता क्वत्यलय् फःगु बल्लागु सःजुय मफूत । अः राष्ट्रिय पार्टी धःगु पार्टी तय्के थःगु आधिकारिक 'खःपौ' तक मरु ।

नेमकिपाया फुक्क ज्या इवःत फुक्क 'श्रमिक' व मजदुरय् पिथाड च्वंगु खांपुं सांसदया कर्मचारी छम्हा सें धाला - 'छिकपिसं संसदय नुवागु फुक्क खाँ पार्टी कार्यालय रेकर्ड तय्गु याड तःगु दः धःगु न्यडा, धात्थें श्व खाँ खः ला थें ?' जिमिसं संसदय् पार्टीया नीति कः घाड जक नुवाय्गु याडा । अलय् छलफलयाड नुवाय्गुलि

ड्युडागूगु स्वप पौ. बःछि पौ(पाक्षिक)

पार्टी फुक्क खाँ सिई ।” जिमिगु खाँ न्यड वयक धायो दिल - ‘धात्थें खय्क पार्टी धाय्गु थथे जुयमः ।’ थुकिया अर्थ आना जुयो च्वंगु गतिविधि व मेमेपुं सांसदपिनिगु प्रस्तुति वयकता चित्त बुभय् मजु धाय्गु क्यं ।

पुँजीपति वर्ग थःगु उत्पादन चुकय्ता विज्ञापनताजक करोडौं खर्च याम्मालिगु व फुक्क थःगु हे पत्रिकाय् जक बिई । मभिंगु सामानतनं जनताया मनयँ भ्रम ब्वलांकः खः थें च्वंक विज्ञापनयाड भिंगु थें च्वंक न्याकय् बियो थःगु ब्यापार बढे याइ । अमिसं जःपां तयो देपां कायो थःगु धेबा थःकय् तुं लाक तै । अलय् न्ह्यागु हे याड जु सां लबःलबः जक स्वयो यक्वः यक्व सम्पति मुनि । पत्रिका सेवा ब्यवसाय खःसां तः तः हांगु प्रकाशन गृहत तः तः हांगु उद्योग काथं हज्याड च्वंगु दः । देश्य नां दांगु सञ्चार गृहतय्सं दायँ करौडौं लब कायो न्ह्याकः च्वंगु दः ।

ज्या साड नैपुं ज्यापु-ज्यामिया पौया लागिं पुँजीपति वर्ग विज्ञापन विइमखु । विज्ञापन मद्यकः पत्रिका न्ह्याकय्ता तःस्कं थाकुई ‘श्रमिक व मजदुर’ मदिक पियाड च्वंगु खाड थी थी पार्टीया नेतात नपां नपालाडगु इलय् वयक पिसं न्यनय्गु या, गथे निरन्तरता बिया दक । जिमिसं मदिक पिकायो च्वडागु खाँ कानय्बल्य लय्ता नं प्वंक दी । थुकिया अर्थ आर्थिक पक्ष नं पत्रिका न्ह्याकय्ता मद्यक मगागु पक्ष खः । वयक पिसं थमनं मदिक न्ह्याकय् मफयागु स्वीकार याड दी ।

मदिक पौपियाड च्वनय्गु छगू तस्कं चुनौतिपूर्ण ज्या खः । च्वसु च्वय्गु इलय् हे पिथानय्गु, इलय् हे ग्राहक पिनिगु लाहातय् -लाहातय् थयंकय्गु, आर्थिक ब्यवस्था तस्कं चुनौतीपूर्ण ज्या खः ।

प्रतिगमनया इलय् छगू नेगू अड्क दिक् यागु बाहेकं गुब्लें हे दिक्याड छगू हे ल्या त्वः फिड्कगु मरुनि । थुकाथं स्वय बल्य ‘श्रमिक’ व ‘मजदुर’ पिथना पुचः, सुभाय् देमछःसिं मगागु पुचः खः ।

न्ह्याकवहे थाकुक् पिथाड च्वसां नं थव स्वयो अपः जनताया दश्वी थेंकय्ता कुतः मयासैं मगानि । छुं इलय् ग्राहक संख्या यक्वः दय्केता निश्चित परिमाणय् ऋतु कालीन चन्दा व आर्थिक ग्वाहाली याड ब्यपिन्ता खुल्ला वा दाच्छीया ग्राहक दय्केगु ब्यवस्था नं यागु दः । अःनं ग्राहक दय्केगु न्हँ न्हँगु योजना दय्के मःगु खःला कि ? स्वापु दःपुं पासा पिसं बिचः याइगु आशा याय् ।

गना राजनैतिक कार्यकर्तात मथ्यनि आना नं ‘श्रमिक व मजदुर’ नेमकिपाया बिचः थयंकः च्वंगु दः । वहे पत्रिका ब्वडः वामपन्थी विचलय क्वसःपुं अपलं पासापुं नं दः । थुकाथं धाय्बल्य ‘श्रमिक’ व ‘मजदुर’ सामान्य पौ जक मखुसैं नेमकिपाया कार्यकर्ता नं खः । थु किता म्वाकः तय्ता भीसं न्ह्यागु काथं नं कुतः याडः

यंकय् मः ।

नेमकिपाया बिचः प्रचार-प्रसार याय्गु छगू स्यल्लागु ज्याभः थें जूगुलिं थुकिता म्वाकः तय्गु, प्रचार-प्रसार याय्गु नपां च्वसु-बुखौत च्वयो ग्वाहाली याय्गु सकल नेमकिपा कार्यकर्तातय्गु कर्तव्य खः ।

थौ कन्हे छुख्य संसद विघटन असंवैधानिक धा धां प्रतिक्रियावादीत प्रचार-प्रसार याड च्वंगु दः । न्यायालयता नपां लिचवः लाकेगु काथं थी थी व्यक्तिगत पूर्व न्यायाधिगत नपां जुयो च्वंगु दः । थथे याड प्रतिक्रियावादी तय्गु स्वार्थ्य छ्यलिगु लिं अजगु सञ्चार माध्यमतय्सं प्रतिक्रियावादी तय्गु सत्ता ल्यंकः तय्ता व स्वार्थ्य पू वांकय् वियता ज्या भःथें जुयो ज्या साड च्वंगु जु ल ।

दकलय् लीपा, श्रमिक वा पौ व मजदुर न्हि पौ ज्या साड नैपुं ज्यापु ज्यामिवर्गया बौद्धिक खुराक व प्रतिक्रियावादीतय्ता चतुवाकः घःपः याय् फःगु स्यल्लागु ज्या भः जूगुलिं थुगु पौत मदिकसे न्ह्याकः पिथाड यंकय् फय्मः दक भिन्तुना देछाय् ।



(श्रमिक वा पौ या नीच्यादाइगु व मजदुर न्हिपौ या नी स्वदाय्गु व ‘अनलाइन मजदुर’ या डादाक्यगु लसताय नेमकिपा केन्द्रीय दुजः नपां छवप नगरपालिकाया प्रमुख सुनिल प्रजापतिया न्वचु -सं.)

मध्यावधि निर्वाचन व प्रजातन्त्र

विवेक

धाइगु खाँ दः, मध्यावधि निर्वाचन प्रधानमन्त्रीया लागिं आत्मघाती थें हे जुई । उकिं सामान्य अवस्थाय् प्रधानमन्त्रीं संसद विघटन याइ मखु । २०५१ सालय् नेपाली कांग्रेसया बहुमत सरकार दयकं दयकं हे गिरिजाप्रसाद कोइराला जुं मध्यावधि निर्वाचनया सिफारिस याता । वयागु नितिं उगु निर्वाचन आत्मघाती हे सावित जुला । उगु निर्वाचनय् सुं नं पार्टीं बहुमत हय मफूत । ने.कां या बहुमत मरुगु जक मखु ने.कां संसदया तहांगु दल तक हे जुय मफूत । गुकिं एमालेया अल्पमतया सरकार गठनया आधार जुल । सरकारय् च्वडः निर्वाचने वानय् वं हे उगु पार्टीं त्याकी धाय्गु खाँ सत्य मखु धाय्गु खाँ उगु निर्वाचनं पाठ ब्वंकगु दः ।

गुलिनं नेता तय्सं अः मध्यावधि निर्वाचनया घोषणा लिपा देशय अधिनायकवाद वैगु हल्ला याड च्वना । प्रधानमन्त्रीं प्रतिनिधिसभाजक विघटन याड निर्वाचनया न्हिल्या नं क्वः मछ्युगु जूसा सायद उकी विश्वास याय्गु छुं छुं आधार दय फःगु खः । अथेनं प्रधानमन्त्रीं प्रतिनिधिसभा विघटन नपां निर्वाचनया न्हिल्या नपां क्वःछ्युगुलिं अधिनायकवादया खाँ हल्ला जक खः दक थुइकय् फः ।

निर्वाचन छगू प्रजातान्त्रिक प्रक्रिया खः । प्रजातन्त्रया विश्वास याइगु न्ह्यागुनं पार्टीं निर्वाचनय् ब्वति काय्ता ग्याइ मखु । प्रजातन्त्रखय् जनताता न्यायाधिश काथं काई । निर्वाचनता जनतां पार्टींता दण्ड व सिरपा वियगु मान्यता तै । अलय् व धःसा जनताया चेतनास्तरय् भर परे जुई । सरकारय् वानिपुं दलत मेगु चुनावयाता तक बिचः याड सचेत जुयो ज्या सानि । अथेयां संसदीय ब्यवस्थाय् प्रतिपक्षयाय् नं उलि हे महत्व दै । स्यल्लागु प्रतिपक्ष दःसा सरकारं थः यत्थें स्वेच्छाचारी निर्णय याय्गु आँट याइ मखु । प्रमुख प्रतिपक्षं न्ह्याब्लें सरकारया मचः मगागु व मभिंगु ज्यात स्वयो च्वनि । वं सरकारया जनविरोधी ज्याया बारेजनताया दश्वी जात प्वलः सरकारया बदनाम याड मेगु चुनावय् सरकारे च्वंगु दलता बुक्यगु रणनीति दयकः हज्याई ।

नेपःदेशय् विदम्बना हे धाय् मः, प्रमुख प्रतिपक्ष दल ने.कांनं संसदय् प्रतिपक्षया भूमिका पू वांकय् मफूत । नेकां नं सरकारकय् छगू छगू ज्याखय् भागवण्डा कः जुल । भागवण्डाय् वांगु दलं सत्तापक्षता कुखियगु वा विरोध याय्गु ज्या याय् फै मखु । संसदय् नेकां स्यल्लाक हब्वयमफूगुया कारण राजदूत, उपकुलपति, आयुक्तत नपां पदाधिकारीत नियुक्ति खय् भागवण्डा

हे खः । भागवण्डाखय् दुतिड च्वंगु पार्टीया नैतिक बल तस्कं कमजोर जुई । उकिं राजनैतिक बिरोध याय फःगु मरु, यागु नं मरु । नेकां संसद विघटनया न समर्थन न विरोध दश्वी लाड बाम्हा काकः च्वंगु दः । थजगु इलय् प्रमुख प्रतिपक्ष बुँछ्याचा थें जुल, लाचार जुल, प्रतिपक्षया भाला बांलाक पूवांकय् मफूता जक सः थवइकगु पक्का खः ।

पुस ५ गते प्रधानमन्त्री के पी ओलीं प्रतिनिधिसभा विघटन लिपा नेकपा दुनय्या प्रचण्ड नेपाल गुटहे दकलय् तच्चयक विरोध याड जुला । ओलिं याड उगु गुटया म्हागस फुक्क चुं चुं दान । प्रचण्ड-नेपाल गुटं प्रतिनिधि सभाया फुक्क सुख सुविधा कायो, प्रचण्ड नेतृत्वया सरकार, माधव नेपालता पार्टीया नायो व भलनाथ खनालता राष्ट्रपति दयकेगु व महाधिवेशन याड ओलिता फुक्कथासय् खापा तिड कुड छ्वयता अलय् पार्टीं विदा बियो छ्वयगु ग्वसः ग्वगु खः । ओलीं उगु ग्वसः पू वांकय् मब्युगु जक मखु राज्यया सुविधा कायो पार्टीं व गुटया ज्या साड च्वंगु फुक्क सुविधात चफुड बिल । विघटनं स्वयो प्रचण्ड-नेपाल गुटया आक्रोश थः थः गु गुटया फुक्क (सांसदत) मासिक सुविधा त दक्वः चयत् वांगु दः । देया राज्य कोषया दुरुपयोग याड पार्टीं कार्यकर्तात लहियगु, अमिता पोसय् याय्गु याड च्वंगुलिं अः धःसा नाखं लिकायो तःम्हा डा थें फ्याटा फ्याटा काड च्वंगु दः । थव प्रचण्ड नेपाल गुटया परीक्षा नं खः ।

माघ २२ गते प्रचण्ड-नेपाल गुटं नेपाल बन्द या इनाप याता । व ओली गुटया इनापय् जुइगु माघ २३ गतेया जनसभाता प्रभावित याय्ता यागु धाय्गु खाँ थुइकय् थाकु मजु । प्रचण्ड व माधव नेपाल नपां मेमेपुं नेतात नपां सडकय् क्वहँ वला । कार्यकर्तापिसं थवयकगु नाराखय् सः खय् सः तला, अथेनं अनुशासित मजु । अपुं तस्कं अराजक ढंग पिब्वता । प्रचण्डं नारा थवयक च्वंगु थासय् छम्हा कार्यकर्ता 'एमसीसी चाहिन्दैन', धाय्वं फुक्कसिनं 'चाहिन्दैन, चाहिन्दैन' दक साथ बिला । प्रचण्ड अलमल जूला । उगु इलय वयागु ख्वः स्वय लाइक जू । अलय् छुं छगू त्वहः तयो व आनानं बिसे वाना ।

लुमांकय् बहुगु खाँ, दा बदा हाँ माधव नेपाल, भलनाथ खनाल, प्रचण्ड, मोहन वैद्य नपांया नेतातय्सं बन्द हडतालं जनताता दुःख जुइगु खाँ क्वछिड अः निसें बन्द हडताल याय् मखुत धायो

चवयो प्रतिवद्धता प्वंकला । उगु प्रतिवद्धता नेता तय्सं लुमांक छ्वसां जनतां लुममांकनि । अलय् नेमकिपां देया आवश्यकता काथं आन्दोलन व क्रान्तिया इलय बन्द हडताल पाय्छी जुय्फः दक सही मयासिं अस्वीकार यागु खः ।

बन्दया इलय् थाय् थासय् गाडी त तछ्यागु, छोयक ब्यूगु लाय् व पिन्ता दायगु-कय्गु यागु, तरकारी लाय् हवल ब्यूगु थजगु अपलं अराजक ज्यात याता । उलि याडा नं ओली पक्षं २३ गते विशाल सभा याड प्रचण्ड-नेपाल गुटता लिस बिला । छम्हासिं मेम्हासिता म्हुतुल्हाय्गु छुं हे ल्यं मरु, विरोधयाय्गु छुं नं कसर ल्यं मरु । जनताता उगु पार्टी यागु मभिंगु फुक्क ज्यात सिइकय्गु (मौका) हवता चू लात । थ्व हे खः निर्वाचनया फाइदा धाय्गु । अथेनं नेकपाया ल्वापु छुं नं सैद्धान्तिक व वैचारिक धःसा मखु । छगू गुटं मेगु गुटया पापु पुयो आन्द्राभुरी ल्हवयो केनय्गु ज्या जक याता । थः वं थः या ब्यक्तिगत ल्वापु थें जक जुला । अः तक जूगु भेला, जुलुश व नेपाल बन्द थजगु ज्या इवःखं निर्वाचन आयोग व सर्वोच्च अदालतता लिचव लाकय्ता याड च्वंगु खः धाय्गु खाँ थुइकय्ता थाकु मजु । अः तक निर्वाचन आयोगं नेगुं गुटता आधिकारिकता ब्यूगु धःसा मरुनि । निर्वाचन आयोगं ओली व प्रचण्डया मंकः हस्ताक्षरं पौ मव तलय् छुं नं पौता मान्यता मबियगु प्रष्ट याय धुंकगु दः । अः तरुन्त नेम्हा नेताया मंकः हस्ताक्षर याड पौ छ्वय् फैगु सम्भावना हे मरु । लिपा या इलय् प्रचण्ड-नेपाल गुटं आधिकारिकता दाबी याड पौ दर्ता यागु दः । अथेनं उकिया निर्णय उलि मथां जुइगु खानय् मरु । नेकपा नपां सत्तिम्हा छम्हा विज्ञया धापु काथं नेकपाया विवाद अख्तियार प्रमुख प्रेमकुमार राईता ब्यूगु नियुक्ति नपां स्वापु दःगु खः । ललिता निवास जग्गाया छानबिन, नपां माओवादी लडाकुपिनिगु ध्यबा अनियमितताया बारे राईकय् फुक्क जानकारी दः । वाता अख्तियार प्रमुखय् नियुक्ति मयाकय्ता ओलीता तच्चकं दबाबनं ब्यूगु खः अथेनं ओली मानय् मजु । वं धाला । उकिया लिचवःकाथं नेकपाया विवाद थुलि चर्को रुप कायो हज्याड वगु खः ।

प्रेम कुमार राई अः अख्तियारया प्रमुख आयुक्त जुयो च्वंगु दः, वं ललिता निवास व लडाकु शिविरया खाँ जक मखु मेमेगु अपलं थाय्या भ्रष्टाचारया खाँत छगू छगू याड पिताहइगु जनतां आशायाड च्वंगु दः । देया राजश्वखय् ब्रम्हलुटयाड सिंहदरबारय् धवार्ये ब्वयक च्वंपुं मनूत जेलया ख्वंगु छेली तय थंयगु स्वयखाँसा प्रतिनिधि सभा विघटनया औचित्य पुष्टिजुई । मध्यावधि निर्वाचनं जनता सचेत याय्गु जक मखुसँ भ्रष्टाचारी तय्ता कारबाही याय्गु बांलागु छगू अवसर काथं काय फःसा उपलब्धी पूर्ण जुइगुलि जनता आशावादी जुयो च्वंगु दः ।

म्यं

- जोशी

धाकु फय् त सुनां पने फै
पने त स्वम्ह हे पुइकी ॥
न्ह्याको हे तजायमाः च्वापु गुं
छन्हु न छन्हुला गया हे त्वति

खुसी पनेत ल्वहँ तइ
ल्वहँ हे चुइका यँकी वं
बाँध दय्का पनेत स्वसां
उकी या द्योनं न्ह्यानाः वनी

जेल व नेल खना थन
ग्याफर व धोकेबाज ग्याई
आत्मविश्वास दुसा वइके
सुनां वइत ख्याये फै ।

(यको दँ न्हयो सांस्कृतिक ज्याः भूवलय हाले धुंकुगु)

का.रोहित जुं धायो द्यू थें 'छगू विश्व विद्यालयं छकया द्र वद्र मनूत शिक्षित या फइःसा निर्वाचनं छकलं तुं देशां देछिया करोडौं जनताता सचेत याय्फः ।' थुकाथं स्वयबलय् अः निर्वाचनया वातावरण तयार मजबूलय् हे नेकपा दुनय्या अपलं विषयया बारे जनतां सय्कय् थुइकय्गु हवता चू लात । सर्वोच्च अदालतया फैसला मथां वइगु व उगु फैसला जनताकय् च्वंगु सार्वभौम सत्ताता सुरक्षित याइगु जनतां आशा व विश्वास याड च्वंगु दः । थःता योम्हा जनप्रतिनिधि ल्यय्गु अधिकार जनताकय् दःगु हे सार्वभौम जनताया अधिकार सुरक्षित जूगु खः ।

थः गु हे पार्टीया सांसद पिसं ज्या सांकय् मब्यूसा व विपक्षी तय्सं पंगः थाड ब्यूसा प्रजातन्त्रखय् मध्यावधि निर्वाचनया लागिं सार्वभौम जनताया दथ्वी वानय्गु दकलय् बांलागु व सशक्त हतियार खः । प्रम केपी ओली यागु प्रतिनिधिसभा विघटनं राज्यया सुविधां वञ्चितपुं नेम्हापेम्हा नेतातय् नुगः हिइसे च्वसां प्रजातन्त्र सुधारया नितिं व छगू स्वाभाविक पला खः । अलय् थजगु निर्वाचनं हे जनतात राजनैतिक रुपं सचेत व संगठित जुई । सार्वभौम जनताया अधिकार रक्षा याय्गु खाँ स्वयो निर्वाचनया लागिं जुइगु ८/१० अर्ब धेबा उलि तः हांगु खाँ मखु ।

श्री पञ्चमीया महिमा

आशाकुमार चिकंबञ्जार

संस्कार व संस्कृति दुनयया धार्मिक पात्रया चरित्र नपां भूगु समाजय् अजपुं भिं पुं बांलापु पात्र तय्गु चरित्र चित्रण याड समाजता छगु नैतिकवान समाज दय्केता साहित्यकार पिसं चव्यगु याड वयो च्वंगु दः । गुब्लें गुब्लें मन्तयता प्राकृतिक विपति त वै उब्ले च्वमि तय्गु नुगलय् अजगु घटनां तस्कं प्याकुतिं डाकी । अलय् उगु स्यानुगःया सः च्वसाखय् दुबिड तस्कं करुण साहित्यत जन्म जुई । गुकी जनताता पाप-धर्म, नैतिक-अनैतिकया खाँ काँ कां समाज सुधारया लाँपु नं क्यँ क्यँ वानि । अलय् नैतिकताया आस्थाया तुडुजला पिज्वयो नीतिवान व कर्तव्य परायन याय्गु उद्देश्यं हज्याई ।

थी थी धार्मिक आस्थाया द्योया प्रतीक हछ्याड समाजता नैतिकवान याय्गु मतिं हचिडकपुं द्यो मध्ये गणेद्यो, लक्ष्मी, सरस्वती नं खः । सिद्धिदाता गणेद्योया बुद्धि समस्या नपां ल्वाड गथे हज्याय फै धाय्गु खाँ स्यनिसा सुमेरु-कुमेरु थः हे मां-ब्वा खः धायो मातृभक्त व पितृभक्तया नैतिक पाठ हचिडक वानि । वहे काथं चिकुला सालुयो वांसेलिं स्वस्थानीया बाखं काड गणेद्योया महिमा कानेगु याई । गुम्हेसिया बाहां त्यछुँ धायो त्यछुँ धिकलं चिच्याहिसां बुद्धि तः हां धायो छुँ जूसां धुँ ज्युफः धाय्गु सन्देश नं काड च्वंगु दः ।

अथेहे धनया देवी लक्ष्मी, सकल जनतापिन्ता धनधान्य याडम्हा देवी लक्ष्मी, लक्ष्मीया बाहन भुन्दु । गुम्हा न्हिनयँ मिखा मखांम्हा, जगुलिं धन दः पिसं गरिबपिन्ता खानीमखु दक समाजय धाय्गु या ।

थाना न्हिथानय् ताडागु मू खाँ धःसा सरस्वती माजु व बसन्तया पञ्चमी विषयलय् खः । चिकुलाया शक्ति कजोर जुयो वांसेली लुमुगु पहः वासेहँ साड है । चिकुला वसन्तया सिसिसिरी फसं पुडक यंकसेली सुजद्योया राप नं बुलुहुं -बुलुहुं बढे जुयो वै । लुमुगु

मौसम मनूया चञ्चलता उसिहीं दाड वै । साड है । लसताय् पलाख्वायँ बुलुहुँ प्याखं ख्वायँ कायो है । वहे प्याखं ख्वायँ धात्थेगु प्याखंखय् ज्याय्ता बाजात थाय्गु याई । बाँसुरीया सलं मन खुलुलुलु मिनी । नुगःया विरह बाँसुरीया सलं श्वइ बलय् मन गथे गथे चं चं धाई । नपां पछिमार्यँया गुलल तुगु बोल, ढलकया उत्साहित बोलं जरुजरु हे थाड बी । मादलया सलं धुं काय्कबी ।

नपां धाँ बाजां दिक च्वंगु शान्तगु लकस उल्लासमय याड वी सा धिमे बाजां फुक्कसिया मनय् लसताया भुस्याय् थाक बी । अथे धाय्गुया अर्थ थुगु इलय् थः थाय् दःगु



फुक्क धाय्थे बाजात थाड भव्य डाय्की । कयता पुजा याई । इहीं याई । इहिपा (ब्योह) याड । लसतां पुजा डाय्की । बसन्तया आगमन नपां मनय् लसता चुली जाय्की ।

अथेहे पाश्चात्य समाजय् नं परापूर्वकालय निसे परम्परा कार्य थी थी काथं वसन्तता लसकुस याई । धर्मया नामयँ डायोनेसिस नांया द्यो याता लय ताय्केगु मतिं देगलय् फुक्क मुडः म्यँ हालः प्याखं ल्हुयो लयता प्वंके सःसेलिं प्याखं ल्हुयगु परम्परा हज्यात । थुगु ज्या तस्कं चिकुयो ग्वाराचिड च्वनय मःगु ई फुड लुमुयो वसेलिं

चिकुलाता विदा बियो वसन्तया लसकुस याड लसता प्वंकेःम्यँ हाल, प्याखं ल्हुयगु परम्परां पाश्चात्य देशया प्याखं ल्हुयगु संस्कृतिया जन्म जूगु खः धाई । दाच्छितक थमनं सियागु दुःख, याडागु अनुभव, खाडागु विकृति व विसंगति, मगा, मचः, मभितं काड आपत-विपत या बाखं, पशु पन्थीया प्याखं ख्वायँ कायो, धुँ, भालु, म्हेवँखा, माक प्याखं, मिसामिज्या छेद-छादया थी थी विषयवस्तुया प्याखं क्यडः सुखान्त व दुखान्त प्याखं क्यनय्गु याड हःगु धाई ।

श्री पञ्चमीया दिन पूर्वीय परम्पराय् महाद्यो पार्वतीया इहिपा जूगु दिनकाथं आतिकं महत्व बियो स्वई । थुगु इलय् कयता पुजा, इहीदिन, ब्योह ज्याया साइत लगन स्वयम्ब, श्व द्यो दिन जक धाई । उकिं याड नं थुगु इलय् अपलं भव्य दैगु स्वाभाविक हे जुल । नपां स्वनिगलय् मञ्जुश्री वयो बास यागु नं मिथक न्यनयँ दः । मञ्जुश्रीता हिन्दु तय्सं सरस्वती माजु दक नं धाई । ल्हासां वम्हा मञ्जुश्री अथे धाय्म्हा सरस्वती माजुदक स्वनिगःया नेवःत नं अपलं तिब्वतं व पुं व अमिगु नेवः भाय् नं भोट वनेली भाषा परिवारया जूगुलिं श्वनं इतिहासया प्राचीन रुप खः दक धाय्फः । मञ्जुश्री खड्गं चोभःया डाँडा पालः श्व तः हांगु नाग दहया नाः पिता छ्वयो थाना बस्ती नं दय्कगु खःला । अनुसन्धानया विषय खः । नेपःया प्राचीन इतिहास गोपाल राज वंशावली, महिषपाल वा किरात कालीन ई या विषय दुवालः स्वयगुया नितिं थजगु हे संस्कार व संस्कृतिया आधार काय् मालिगु खः ला ? थुगु श्री पञ्चमीया दिनय् हे मञ्जुश्री नेपः गालय् बिज्यागु खःला ? उकिं दाफा भजनया म्यँ खय् न्हिथाडः तःगु खः ला-

पञ्चमीया रात्री सं, प्याहाँ वया चाया रात्री गना लाय वस व पिरति ॥

ड्यडागूगु स्वप पौ. बःछि पौ(पाक्षिक)

भगवती, सरस्वती,
न्यहने जी बिनती ॥

श्री पञ्चमी निसैं वसन्त हालिगु चलनं स्वय बलय् नं थव छगू तस्कं लसताया दिं जुयमः दक धाय् फः । श्रीपञ्चमी हाँ तक ख्वपय् सुडालया ल्हासापाखय्या सरस्वती द्योक्य् थौं तक वाड च्वंगु दः नि । अलय् श्रीपञ्चमी खुनु च्वलय् फै नपां डायो वम्हा सरस्वती माजुता तुति त्यानुल जुइ दक चिकं बुकः वानिगु चलनं थुगु खाँ याता प्रमाणित याई ।

स्वनिगया यैं देशय् स्वयम्भूया सरस्वती माजु, यलय् लेलेया सरस्वती कुण्डलया सरस्वती माजु व ख्वपया भेलुखेलया निलसरस्वती माजु नपां यक्व यक्व थासय् वीणा ज्वना च्वम्हा, हायँ गयो च्वम्हा सरस्वती माजु याथाय् दर्शन यो वानिपुं अपलं भक्त जनत अःनं ल्यं दःनि ।

सरस्वती माजु विद्याया खानी, आखः सय्क विइम्हा तुगलय् थानय् फय्कः बिइम्हा जूगुली आखः ब्वनिपुं ब्वनामिपिसं द्योथाय् वाड पां मथ्याकः जाकी वां मथिइक नैगु अलय् आखः ब्वकिपुं न्हूँपुं मचातय्ता ससुख्यलय् ब्वड यंकः सलां खं आखः च्वकय्गु (अक्षरम्भ) न्ह्याकी । अथे हे मिसा मस्तय्सं थाज्या लाज्या सय्कः बिया दक काः, तुकी ज्वडः वाड थाज्या यनय्गु याइसा, चतामारी छुय् सय्केगु दक स्वं खं चाक चाकलाक फलय् वा आंगलय् च्वय्गु नं याई ।

जिमस्त बलय् नं सलां खं गवरःखय् आखः च्वकः दकलय् न्हःपां 'ॐ' आखः गुरुं स्पंड द्युगु खः । वनं लिपा ॐ नमः शिवाय नमो वागीश्वरायः दक महाद्यो व ससुद्योता नमस्कार धायो अक्षरम्भ याकगु लुमांसे वनि । नपां -

'सरस्वती माया दृष्टा विणा पुस्तकं धारणि,
हंस वाहन हंस युक्त विद्यादानं करोतु मे ।'

दक सरस्वती बन्दना याकसे सरस्वतीया थी थी नां नं कण्ठय तयकिगु चलन दः । जगतमाता, सरस्वती, शारदादेवी, हंसवाहिनी, ब्रम्ह चारिणी, बागीश्वरी, बुद्धिदात्रिच, चैवकुमारी,

वरदायणी, चन्द्र घण्टा, भुवनेश्वरी थी थी नामं पुकारय् याई । अलय् अपलं करुण सलं तुगलय् निसैं दुःख ताया पुकारय् याई ।

'मते मते दैब, सरस्वती माजु दया कृपा दयाकाः ब्यू'

श्री पञ्चमीयाता वसन्त पञ्चमी दक नं धाई । छाया धःसा थुगु इलय् हे सिमाचुलीजाया क्व भांगं (कोइली) चिकुला फुगुया सड्केत कां कां म्ये हाली । थुब्ले हे वसन्तराग कायो वसन्त श्रवण याकेगु दकः न्हपा-न्हपा जुजुता न्यंकः लिपातिनी दुनियाँ न्यनय्गु याई । अतिकं रस रड्ग या म्ये नपां द्योया कृपा नपां लाहातय् ज्या दय्क विया दक आत्मनिर्भरया लौपु ल्यय् किगु ई जूगुलिं नं थुकिया महत्व अपलं दः । मिसामस्तय्ता नं थाज्या लाज्या सय्क बिइगुलिं नं उब्लेया इलय् थुगु ज्या आत्मनिर्भर जुयगु व नेगः प्यंगः धेबा आमदानी याय् फैगु लजगाः खः । अपलं बुई ज्या सानय् मालिगु लिं थाज्या लाज्या दक लाइगु इलय् सानिगु धःसां थाज्या लाज्या थाय् सःपुं उब्ले द्यो व मसपुं च्यो दक धाई । उकिं नं थः ग्यनय्गु थाय् दय्कः विइम्हा सरस्वती माजुयाता दुनुगलं निसैं नमस्कार याइगु पक्का नं जुल ।

सरस्वती द्यो पुजा दक मखु देगलय् व छँ वयो नं च्वयो, ब्वड वा थाज्या थाड स्वय मःगुलिं नं अभ्यासं जक मनुता ज्या सय्कः बिइ धाय्गु बैज्ञानिक तथ्य नं थुकि खानय् दः ।

जीवन छगू संघर्ष खः धाई । संघर्ष धाय्गु ज्या याड हज्याय् मः । बुई वाड ज्या साड शारीरिक कसरत याड वापुं भी बाज्या बराजुपुं गुब्लें सुगर व प्रेसरया ल्वगि मजु । ग्वाचा, वांगु क्ये नयो, स्वस्थ जुयो च्वनि । बुई वाड यचुगु स्वस्थफय् खय्, न्हिच्छी लिभालय पाडः ज्या सानी । सुकुचा क्ये, गुन्चा, गुन्डु, मारी नयो जूबलय् ल्वय नं मरु । थःगु बुई फुक्क बाली सय्कः थःगु हे तुतिखय् दाड जुई । फोहर मुड सः दय्की । बुई तय्यंकी । छुसी मुड हयो जाथु केथु याई । कतया ग्यासया भर काय्

हे म्वः । थःगु छँ काप थाइ, देसी कापया भर काय् म्वः । थःगु लाहातय् दःगु ज्या छ्यल तिइकी, अलय् फुक्क जातजातिं थःथः गु पेशा याई । छगू समन्वयया पहः पिज्वयकः च्वनि । थःता मःगु भाला कुला (चा, सिजः लि) या सामानत छ्यली । अलय् तः न्हू मपाकः वैगु नखा चखाखय् तुगः हव्यकः म्ये (दाफा-भजन) हाली । भजन याई । बाजाथाई, बाजा पुई । प्याखं ल्हुई । छगू संस्कृतिं लुइकः, छगू संस्कृतिं काकः अलय् छगु लसताया त्वहः धितु धिडः, ध्वातु ध्वाड फलय् -फलय् चुक्यनुनी, बहालय् अलय् बजारया थासय् थासय् थः ब्वयो कत स्वयो दुःख तांकी । मनप्वः चिई । लसता भय् बिइक जिन्दगी गुलु तुइकि ।

थौं संस्कृति वल । नसा त्वसा ल्वाक बाक ज्यागु तरकारी किटनासक वासं सिल हःगु जीवन शैली सुखमय जुजु वसेलिं ल्वयमुनय्गु थें जुयो वला । संस्कार व संस्कृति नसा नय्गु, त्वसा, त्वनय्गु धिं धिं बल्ला थें जुयो वल । ज्यू म्हालय्गु, म्हुतु बार याय्गु स्वयो फयां फक्व मन्दविष त्वनय्गु लि बः याड जुला । देकय् वानय्गु, डायो वानिगु परम्परा त्वःत अपलं मनुतय्के सवारी साधन दःसेलिं नं जीवन सहज काथं छ्यल हल । थथे भी आजु पिसं याड वांगु संस्कृति दुनयया वैज्ञानिक खाँत मथसेलिं न्हूगु पुस्तां दुःख स्युगु खानय् दयो वल ।

श्रीपञ्चमी भिं ज्या व बुद्धि शुभारम्भ याय्गु दिन धाई । भीसं नं थव खाँ थुइकः तुगलं ध्वाथुइकः संस्कृतिया अनुसन्धान यायां भीगु पहः भीगु म्हासिइका पिब्वयो च्वनयँ । मखुसा भी, भीगु धाय्गु क्यनय्गु व ब्वयगु थाय् दै मखु । उबले भी तुगः मुइक च्वडां ली लाइ मखु । उकिं श्रीपञ्चमी खुनु चांगुया पोरींचा ससुद्यो, खिलां च्वयया खिलाच्व ससुद्यो, सूर्यविनायक, च्वडापाया सरस्वती, थालाछँया सरस्वती, निल सरस्वती जक मखु सकल सरस्वतीया स्मरण यासे संस्कृति दुनय् भी दुविड, भी दुनयँ संस्कृति दुतिड यंकय् : ।

खप नगरपालिकाया ज्या भवः त

९ वडाय् पाठेघर परीक्षण शिविर

खप नगरपालिका वडा नं. ९ वडा कार्यालय व महिला स्वास्थ्य परिचालन समिति खप नगरपालिका ९ या मंकः कुतलय् दतात्रय आधारभूत ब्वनय्कुथिया हःनय जूगु पाठेघर (मचाछँ) परीक्षण सम्बन्धी स्वास्थ्य शिविर २०७ म्हा मिसातयगु पाठेघर व दुरुष्वः परीक्षण जूगु खःसा १४ म्हा मिजंतयगु नं (दुरु) स्तन परीक्षण जूगु खः ।

शिविरया उलेज्या यासे खप नगरपालिकाया प्रमुख सुनिल प्रजापति जुं ल्वय जुय धुंकः वास यायगु स्वयो ल्वय जुय हाँ हे जाँचय् याडः सचेत जुयगु तस्कं बुद्धिमानी खः धायोदिसे खप नगरपालिकां नगरबासीपिनिगु स्वास्थ्य उपचारता हृदाय तयो ज्या साड च्वंगु नपां खप अस्पताल चाय्केता चतारं ज्या जूयो च्वंगु खाँ ब्याक दिल ।

कोरोना भ्वल्वचं ग्याडः अपलं मिसात उपचारया लागिं स्वास्थ्य केन्द्रे मवांसी ग्याडः च्वंगु व मिसातय्के ल्वय दःसां मरु दक सुचुक तयगु बानी दःगु खाँ कांसे वयकलं इलय् हे थःगु स्वास्थ्य परीक्षण याकय्ता फुक्कसिता इनाप याडः दिल ।

खप नगरपालिका वडा नं. ९ या वडाध्यक्ष रविन्द्र ज्याख्व जुं वातावरणीय प्रदूषण, याडः वयो च्वंगु परिवर्तित जीवन शैली व थी थी नय्मज्यगु नसा त ल्वाकछ्याडः मियो हःगु नसा नयो तस्कं

कडागु व प्राण हे काइगु प्राणघाटक ल्वयत अपलं खानय दयो वयो च्वंगुलिं इलय् हे ल्वय छु खः धायगु सिइकः वास याय् मःगु खाँ ब्याक दिल । वास यायगु तस्कं थिकय जूगुलिं छँ जः मध्ये सुं छम्हा जक विरामी जूसा फुक्क छँ जः पिन्ता चिन्ता व तनाव जुइगु खाँ नं वयकलं काडः दिल ।

भक्तपुर क्यान्सर अस्पतालया मेडिकल अफिसर डा. रुपम पाण्डे जुं (मचाछँ) पाठेघरया हःनय्या ब्व या क्यान्सरया बारे खाँ कांसे पापस्मेयर परीक्षणं ल्वय जुय हाँ हे (सावधानी) सचेत जुयता ग्वाहाली जुइगु खाँ ब्याक दिल ।

नेमकिपा खप नगरपालिका ९ वडा समन्वय समितिया कजि कृष्ण भक्त लवजुं म्हुवचा धेबां चिकित्सा शास्त्र (डाक्टर) ब्वंकयगु नपां खप नगरपालिकां खप विश्वविद्यालय चाय्केता माग यागुली सरकारय् वापुं पुँजीवादी दल तय्सं पक्षपात याडः अःतक स्वीकृति मब्यगु खाँ काडः दिल ।

अथेहे कार्यपालिकाया दुजः छोरी मैयाँ सुजखु (प्रजापति) जुं नगरबासी पिन्ता स्वास्थ्य सेवा अःपुक वियगु मतिं नगरपालिकां छँ छँ नर्सिड सेवा न्ह्याक च्वंगु खाँ काडः दिल ।

स्वास्थ्य स्वयं सेविका दयालक्ष्मी प्रजापतिं मिसामस्त छँ ज्याखय् अपलं लिइमलाक जुय मालिगुलिं स्वास्थ्य परीक्षण याकय्ता सचेत मजगुलिं वयकपिनिगु स्वास्थ्यता बिचः याडः स्वास्थ्यशिविर तयमःगु खाँ ब्याक दिल ।

भक्तपुर क्यान्सर अस्पतालया चिकित्सक नर्स व नगरपालिका पाखं न्ह्याक च्वंगु जनस्वास्थ्य केन्द्रया प्राविधिक ग्वाहालीखय् क्वचःगु उगु शिविरय् जाँचय् यापुं फुक्कसिता निःशुल्क वास इडः ब्यगु खः ।

मिसामस्तयगु पाठेघर व मिजं तयगु (दुरु) स्तन परीक्षण बारे अपलं मनूतय्सं अः तक मथूगुलिं ब्यापक प्रचारयासे मिजं तय्सं नं मदिकक स्वास्थ्य परीक्षण याय् मःगु सुभावा चिकित्सक पिसं बियोदिल ।



‘नेपाल अण्डा उत्पादक संघ’ या साधारण सभा

माघ १७

खप नगरपालिकाया प्रमुख सुनिल प्रजापतिज्यूया मू पाहाँलय् जूगु नेपाल अण्डा उत्पादक संघया हिंखुकुगु क्षेत्रीय वार्षिक साधारण सभाया उलेज्या यासे कृषिखय् वैदेशिक लगानी दुताह्यगु नेपःया सरकारया थुगु निर्णयं कृषिजन्य उद्योग व किसानत जया त्वःत



वानय् मालिगु अवस्था वड धायोदिल ।

बहुराष्ट्रिय कम्पनि तयसं नेपालय् लगानी याइबलय् थानाया चिच्या-चिच्या हांगु व तहांगु लगानीया व्यवसायतनं ज्या त्वताःदिकु याड वानय् मालिगु अवस्था वयफः धायोदिसे प्रमुख प्रजापति जुं विदेशी लगानी दुकायगु नामय् सरकारं देशया अर्थतन्त्र क्वदल वानिगु लाँ प्वः चाय्केगु ज्या यागु द्वपं बियो दल ।

वयकलं सरकारं साना ब्यापारी व गरिब किसानया क्षमतां फ़ैगु सहूलियत पूर्ण ऋण व अनुदान वियगुलि ध्यान मतःगु धायोदिसे गुब्ले तक नेपालय् भारतया प्रभाव अप्वयो च्वनि उब्ले तक नेपः दे स्वतन्त्र व स्वाधिन जुय फ़ै मखु धायोदिल । नपां समसामयिक राजनीति बारे थःगु धारणा प्वंक दिसे नेकपाया ल्वापु अराजनैतिक व व्यक्ति केन्द्रित जूगु खाँ ब्याकसे ब्यापारी, बयवसायीपिसं नं राजनीतिक खाँ थुइकः सचेत जुयो छप्पा छधि जुयो हज्यासे थःगु उत्पादनया प्रचार व प्रवर्द्धन याय् मः धायोदिल ।

भक्तपुर उद्योग वाणिज्य संघया न्वकु शिव प्रसाद मानन्धरं ब्यापारीत फुक्कं छप्पा जुय मःगु व वैदेशिक लगानी नेपः या व्यवसायत मदयो वाड दे कतया भरय् म्वाय मालिगु खाँ काड दलसा नेपाल अण्डा उत्पादक संघया केन्द्रीय नायो शिवराम केसी विदेशी लगानी किसानतय्गु भिं मयाइगु थुकिया चाकलीं विरोध जुयो च्वंगु खाँ ब्याकसे ख्येया अपलं परिकार त दय्क क्यनय् मः धायोदिल ।

ज्या इवःसं नेपालं अण्डा उत्पादक संघ खप जिल्लाया नायो सुमन सुवाल, यलया नायो पिताम्बर सञ्जेल, येँ या नायो अमरसिं घर्ती, भोतया नायो राधाकृष्ण अधिकारी, नुवाकोटया नायो रमेश चित्रकार, मकवानपुरया पाखं राजु अधिकारी, संघया पूर्व केन्द्रीय दुजः विनोद पोखरेल, किरण भुषण ओली जु पिसं भिन्तुना देछायो द्यगु खः ।

खानेपानी मन्त्रालयया सहसचिव शाक्य नेपालःभाल

माघ १७

खप नगरपालिका प्रमुख सुनिल प्रजापतिया नायो सुई खानेपानी मन्त्रालयया सह-सचिव दिनेश कुमार शाक्य जु खपय भःबलय् खपया त्वनय्गु नाःया व्यवस्थापनया विषय बैठक च्वन ।

उगु बैठकं खप नगरपालिका लागाय् त्वनय्गु ना अःपुक इड बियगु प्रणालीया सुधारया लागिं बोरिड याड न्हूंगु स्रोत व्यवस्थापन याय्गु व खप नगर दुनयँ मःक्व त्वनय्गु ना इयगु या लागिं कार्थिछिंगु थासय् नाः मुड तय्ता ट्यांकी दय्केता मः कार्थं ज्या न्ह्याकय्गु खाँ क्वः छित ।

नगर प्रमुख प्रजापति जुं सहसचिव रितेस कुमार शाक्य व काठमाडौं उपत्यका खानेपानी व्यवस्थापन बोर्डया कार्यकारी अधिकृत सञ्जीव विक्रम राणा जूता खपया तक्वा तपुली पुइकः लसकुस यासे खप नगरपालिकाया पिथनात नं उपहार कार्थं लः ल्हाड दल ।

बैठकसं खप नगरपालिकाया उप-प्रमुख रजनी जोशी,

प्रमुख प्रशासकीय अधिकृत रामलाल श्रेष्ठ, वडाध्यक्षपुं रविन्द्र ज्याख्व, उकेश कवां, महेन्द्र खायमली व श्याम कृष्ण खत्रीपुं नं उपस्थित जुयो द्यगु खः ।



भक्तपुर साकोसं 'मजदुर' 'श्रमिक' या अन्तरक्रिया

माघ १२

नेपाल मजदुर किसान पार्टीया पीन्ह्यकगु निस्वाना दिवसया लसताय भक्तपुर बचत तथा ऋण सहकारी संस्था लि या कर्मचारी समाजया ग्वसालय जूगु श्रमिक वा पौ व मजदुर न्हि पौया अन्तरक्रिया ज्या इवःसं मू पाहाँ नेमकिपाया केन्द्रीय दुजः नपां ख्वप नगरपालिकाया प्रमुख सुनिल प्रजापति जुं नेमकिपां श्रमिक व मजदुरय जनताता सचेत याय्गु काथं च्वसुत पिथाड ज्या साड नैपुं ज्यापु ज्यामिया पक्षसं भारतीय विस्तारवाद व भारतीय



एकाधिकार पुँजीया विरोधय् मदिकक सः श्वयक वयो च्वंगु खाँ काड दिल । श्रमिक व मजदुर नेमकिपाया बिचः प्रचार याय्गु छगू स्यल्लागु ज्या भः जूगुलिं उगु पौ त पिथानय्ता सकल सिनं फः थें ग्वाहाली याय् मः धायोदिल । नपां वयकलं पुँजीपति वर्गया पक्षय् ज्या सानिपुं पत्रिका व सञ्चारमाध्यमं लबया नितिं ज्या सानिगु, मजदुर आन्दोलनता क्वत्यलय्गु व शासक वर्गया शासन

सत्ता सुरक्षित याड तय्गु ज्या सानिगु खाँ काड दिल ।

प्रमुख प्रजापतिजुं नेकपां कःगु गलत सिद्धान्तं व विचारं याड देशया राजनीति मखुगु लायें वाड च्वंगु खाँ ब्याकसे जलाखाला दे भारतं नेपः दे ता स्वतन्त्र व स्वाधीन दे काथं स्वय मः मरुगु नपां नेपालय् भारतया प्रभाव अप्वयो च्वंगु खाँ ब्याक दिल ।

ज्या इवःसं भक्तपुर साकोसया कानुनी सल्लाहकार राम प्रसाद प्रजापति जुं बहुमत दःम्हा सरकारकय् थःगु सरकारया ज्या हछ्याय्ता संसद विघटन याय्गु विशेष अधिकार दैगु खाँ ब्याकसे प्रधानमन्त्रीं यागु संसद विघटन स्वाभाविक प्रक्रिया खः धायोदिल ।

संस्थाया नाथो बलराम प्रजापतिं नेपःया कम्युनिष्ट आन्दोलनय् नेमकिपां याड वयो च्वंगु संघर्ष, ज्वड वयो च्वंगु सैद्धान्तिक लाँपु खःगु थासय् लाड च्वंगु अलय् नेकपानपां नेमकिपाया सैद्धान्तिक मतभेद दःगु व शासक दलया राजनैतिक अस्पष्टता व ब्यक्तिकेन्द्रीत मानसिकतां याड दे अराजकता पाख्य्घ्वाड यंक च्वंगु खाँ काड दिल ।

भक्तपुर साकोस कर्मचारी समाजया नाथो जगन्नाथ प्रजापति जुं कर्मचारीपुं राजनैतिक रुपं

सचेत व संगठित जुयमःगुलि बः ब्यूसे थजगु अन्तरक्रियां कर्मचारी तय्गु ब्वनय्गु व सय्केगु बानी दयो वानिगु खाँ ब्याक दिल ।

ज्या इवःसं भक्तपुर साकोस कर्मचारी समाजया न्वकु सत्यनारायण साँयजू, कर्मचारीपुं अन्जना छुस्याबागः निभा कोजू, दिनेश धौबञ्जार व दयालक्ष्मी धन्छा पिसं श्रमिक वा पौ व मजदुर न्हि पौ खय् पिथांगु च्वसुया बारे थः थः गु बिचः प्वंक दिल ।

इनाप

ख्वप नगरपालिका पाखं पिथाड च्वंगु खप पौ बः छि पौ खय् बांलागु च्वसु त बियो ग्वाहाली याड दिसँ । उगु रचनाया ल्यः ज्या याड पारिश्रमिक बियगु खाँ ख्वप नगरपालिकाया २०७७ श्रावण २६ गते च्वंगु बैठकं

क्वः छ्यूगु खाँ ब्याक च्वडा ।

सम्पादक
ख्वप पौ

ज्या साड नैपुं वर्गता भिं याडगु पत्रकारिता न्ह्याकय् अःपुमजु

श्रमिक वा पौ या नीच्याकगु, मजदुर न्हि पौ या नीस्वकगु व अनलाइन मजदुर या डाकगु वार्षिकोत्सवया लसताय शनिबार ख्वप इञ्जिनियरिङ्ग कलेजया सभा हलय जूगु ज्या इवःसं नेपाल मजदुर किसान पार्टीया नाथो नारायण मान विजुकछें (का.रोहित) जुं शोषित-पीडित व ज्या साड नैःपुं ज्यापु ज्यामिया पक्ष न्ह्याकिगु पत्रकारिता अःपु मजुगु खाँ ब्याकसे श्रमिक वा पौ, मजदुर न्हि पौ व अनलाइन मजदुरता अभ् स्यल्लाक, बांलाक व भिंक परिष्कृत व ब्यापक याय्ता भिं कामना याडपुं शुभेच्छुक सकलसिनं फःथें ग्वाहाली याय् मःगु खाँ ब्याक दिल ।

विज्ञान व प्रविधिया लागाय् न्हँ न्हँगु आविष्कारत देश व जनताया भिं जुडगु ज्या खय् छ्यलयमःगु खाँ ब्याकसे वयकलं अपलं अपः जनताया सेवा याय्गु बाहेकं नेमकिपाया मेगु छुं हे स्वार्थ मरुगु खाँ काड दिल । स्वार्थ मरुपुं मनूनं सुयाय्गुं हःनयँ कपः क्वछुकि मखु धायोदिसे भ्नीसं स्वार्थ मतःसिं देश व जनताया सेवाखय् लगय् जुयगुलिं छतिं हे मन क्वतुक, हिनताबोध मजगु व सुनपां ग्याय म्वःगु खाँ काड दिल ।

नेमकिपाया छ्याञ्जे प्रेम सुवाल जुं जनताया दश्वी धात्थेंगु सत्य बिचः थयंकय्ता श्रमिक वा पौ, मजदुर न्हिपौ व अनलाइन मजदुरं महत्वपूर्ण भूमिका निर्वाह याड वयो च्वंगु खाँ ब्याकसे वयकलं श्रमिक वा पौ व मजदुर न्हि पौ खं नेपः या राजनीतिता खःगु लाँपु क्यनय्गु, जनताया पीडा व समस्याता सरकार व स्वापु दःगु निकायखय् थयंकय्गु, सीमा त्यल कःगु या विरोध यासे जनताया सचेत याय्गु ज्या याड च्वंगु खाँ काड दिल । भारतय् भाजपाया फासीवाद व काश्मीरया स्थिति चीन-सं.रा. अमेरिका

ब्यापार युद्धया वास्तविकता नपांया थी थी घटनाया बारे जनताता जानकारी ब्यसे कोरोना भाइरस सङ्क्रमणया धाकछोपया विरुद्ध खबरदारी याय्गु व अन्तर्राष्ट्रिय सम्बन्ध अध्ययनया लागिं अपलं ग्वाहाली जुडगु सामग्रीत श्रमिक वा पौ व मजदुर न्हि पौ पिथाड वयो च्वंगु खाँ ब्याक दिल ।

वयकलं छँ बँया लालपुर्जा सुरक्षित तयो तः थें महत्वपूर्ण विचार सामग्री छापय् जूगु पत्र पत्रिकानं सुरक्षित याड तय्मः धायोदिल ।

नेमकिपाया केन्द्रीय दुजः नपां ख्वप नगरपालिकाया प्रमुख सुनिल प्रजापतिजुं नेपालय् साम्राज्यवाद व विस्तारवादया विरुद्ध व प्रतिक्रियावादी नीति व गतिविधिया सः श्वयकिगु पत्रिका श्रमिक वापौ व मजदुर न्हि पौ हे खः धायोदिसे पत्र-पत्रिका व सञ्चार माध्यम नं वर्गीय जुडगु खाँ ब्याकसे ज्या साड नैपुं ज्यापु ज्यामि वर्गयाय् भिं याडगु पौ, मजदुर व किसान आन्दोलनता क्वत्यलिपुं प्रतिक्रियावादी तय्गु पलाया विरुद्ध, वर्गशत्रुता वैचारिक रुपय प्रहार याड घःपः याय्गु ज्या श्रमिक वापौ व मजदुर न्हिपौ खं याड वयो च्वंगु दः धायो दिल ।

नेमकिपाया केन्द्रीय दुजः नपां भौत जिल्लाया नाथो कृष्ण कुमार वैद्यजुं पत्रपत्रिका व्वंकय्ता पत्रिका इयगु नपां पाठकतय् दश्वी अन्तरक्रिया ज्या इवःत याय्मः धायोदिल ।

नेमकिपाया मेम्हा केन्द्रीय दुजः बजिर सिंह विकः जुं ज्या साड नैपुं ज्यापु ज्यामिया पक्ष सः श्वयकिगु श्रमिक वा पौ व मजदुर न्हि पौ क्रान्तिकारी पत्रिका खः धायोदिसे भेरी-कर्णाली कम्युनिष्ट सिद्धान्त व विचः थयकिगु ज्या श्रमिक वा पौ खं याड



उद्योग स्वपौ. ब. वि. पौ. (पाक्षिक)

चवंगु धायोदिल । वयकलं हवाइ यातायातया अनियमितता, सडक यातायात व सवारी साधन म्हवै जूगुलिं नपां तस्कं वानय थाकुगु भौगोलिक जटिलतां दुर्गम क्षेत्रया जनताया दशवी माग काथं पत्रिका थयंकय् मफयो चवंगु खाँ काड दल ।

नेमकिपाया केन्द्रीय दुजः नपां येँ जिल्ला कमितिया नायो नारायण महर्जनजुं ज्या साड नैपुं ज्यापु ज्यामि वर्गया जनताता राजनीतिक व सामाजिक चेतना बियो छप्पा छधि यायगु ज्या थुगु पत्रिकातयसं याड वयो चवंगु खाँ काड दल ।

नेमकिपाया केन्द्रीय दुज नपां बागमती प्रदेशया सांसद सृजना सैजुं बागमती प्रदेश सरकारय् स्वदा तक चवड नकतिनिजक राजिनामा याड प्याहाँ वम्हा पूर्वमन्त्री सरकारं स्वदा तक छुं हे यायमफःगु खाँ खं सरकारया अवस्था उल क्यंगु दः धायोदिल ।

ज्या इवःसं चवमि नपां इञ्जिनियर राजदास श्रेष्ठ थः ब्वँवानयगु इवल्य सोभियत संघय् चवडाबल्यया अनुभव काड दिसे समाजवादी व्यवस्था जनताया लागिं स्वर्ग थें जूगु व पुँजीवादी व्यवस्था नर्क थें जुडगु खाँ ब्याक दल ।

नेपाल प्राध्यापक समाजया केन्द्रीय न्वकु प्रकाश कुमार

संसारया कम्युनिष्ट व प्रगतिशील आन्दोलन स्वयो सय्के मः

नेपाल मजदुर किसान पार्टीया पी न्ह्यकगु पार्टी स्थापना दिवस देया थी थी थासय् वर्तमान राष्ट्रिय व अन्तर्राष्ट्रिय राजनीतिया चेतना ब्यु ब्यु जनताता शिक्षित व चेतित याड समाजवादी आन्दोलनया लागिं डायक वयो चवंगु दः । थ्व हे इवल्य नेपाल कर्मचारी समाज केन्द्रीय समितिया ग्वसालय् जूगु ज्याइवःसं मू पांहा नेमकिपाया नायो नारायणमान बिजुक्छें जुं प्रशिक्षण बियो दल ।

उगु ज्या इवःसं श्रद्धेयनेता बिजुक्छें जुं नेमकिपा निस्वानय् मःगुया आधारत काड दल । वयकलं मुख्य शत्रु म्हासिडकय् मफूतल्य संघर्ष थासय् मलाइगुलिं नेमकिपां नेपःया कम्युनिष्ट पार्टीखय् खानय् दःगु खोटा विचारया खण्डन यासे वर्ग संघर्षता हचिडक यंक चवंगु खाँ काड दल ।

नायो विजुक्छें जुं धायोदिल - 'थःता कम्युनिस्ट जक जुडुपुं अल्य ज्या साड नैपुं ज्यापु ज्यामिया पक्ष राजनीतिक रुपं सडगठित व सचेत मयाइगु नीति खाँ थागु, खोटपूर्णगु खः ।'

संसारया कम्युनिष्ट व प्रगतिशील आन्दोलनं सय्कः, सिडकः, थुडकः निस्वार्थ रुपं देश व जनताया सेवा यायगु भावनां ज्या यायमःगु खाँ ब्याकसे सैद्धान्तिक संघर्ष याय मः धायो दल ।

राजनीतिक पार्टी दुनय मतभिन्नता जुडगु स्वाभाविक जूसां नेकपाया विवाद सैद्धान्तिक व नीतिगत मखुसें ब्यक्तिगत स्वार्थ व भागवण्डा खय् दुडु चवंगु दः । नायो विजुक्छें जुं धायोदिल ।

भारतीय विस्तारवाद व एकाधिकार पुँजी नेकपाया नेतातय्ता विवादय् हःगु खः, सत्तासीन पार्टीया नेतातय्ता तछ्याड नेपःया प्राकृतिक स्रोतः साधन लाहातय् लाक काय्गु दाउ भारतीय विस्तार

श्रेष्ठ पुँजीवादी सञ्चार माध्यमं खःगु मखुगु खाँत चवयो तःगुया विरोधय् 'श्रमिक' वा पौखय् चवंगु चवसुखं ग्वाहाली याड चवंगु खाँ काड दल ।

नेपाल प्राध्यापक समाजया छ्याञ्जे सुजन माकं 'अनलाइन मजदुर' ब्वनिपुं ब्वनामिपिनिगु ल्या अप्वः दयो वयो चवंगु खाँ ब्याकसें श्रमिक वा पौ व मजदुर न्हि पौ ता अपलं पाठक पिन्थाय् थयंकय्गु ज्या थुकिं याड चवंगु खाँ ब्याक दल ।

नेपाल प्राध्यापक समाजया डा. राजुभाइ त्यातं 'मजदुर' न्हि पौखय् पिथांगु चवसुत विशलेषण याड दिसें थुगु पौ खं अपलं सकारात्मक बिचः पाठकया दशवी थयंकय्ता ग्वाहाली याड चवंगु खाँ काड दल ।

नेपाल प्राध्यापक समाजया केन्द्रीय दुजः सुनिल दुवाल 'श्रमिक' वा पौया सम्पादकीय खं देश व विदेशया राजनीतिक स्थिति स्पष्टयाड देशता लाँपु क्यड चवंगु दः धायो दल ।

श्रमिक वापौया कार्यकारी सम्पादक अनुराधा थापा मगरया सभानकिल्य जूगु ज्या इवसं 'मजदुर' न्हिपौया सम्पादक विष्णु गोपाल कुसी व प्रकाश पिसं नं थःगु नुगः खाँ तयो द्यगु खः ।

वाद व एकाधिकार पुँजीया मति खः । वयकलं स्पष्ट याड दल ।

अपलं अपः बहुसंख्यक ज्यासाड नैपुं जनताया भिं ज्याख्य न्ह्याकिगु छुं नं पला लसकुस याय लाइकगु नपां दे व जनताया अहित जुडगु संविधानया धारात हिल्य मःगु खाँ धायो दिसे नायो बिजुक्छें जुं निर्वाचन छगू राजनीतिक कक्षा थें जुडगुलिं नेमकिपां निर्वाचनता समर्थन यायगु खाँ ब्याक दल ।

नेमकिपाया छ्याञ्जे प्रेम सुवाल नेपाल विकास मजगुली भारतीय विस्तारवादी व एकाधिकार पुँजी हे प्रमुख दोषी जूगु खाँ ब्याक दल ।

नेमकिपा मरुगु जूसा देश व जनताया इमान्दारीपूर्वक सेवा याइगु पार्टी हे मदैगु खाँ ब्याकसें छ्याञ्जे सुवाल मार्क्सवाद, लेनिनवाद व माओत्सेतुड विचारधारात नेपःया परिस्थिति अनुकूल व्यवहारय् कार्यान्वयन याय्ता नेमकिपा प्रतिबद्ध जूगु खाँ स्पष्ट याड दल ।

ज्याइवःया सभानायो नेपाल क्रान्तिकारी समाजया केन्द्रीय नायो गौतम प्रसाद लासिवाजुं कार्यक्रम याडागुया औचित्य स्पष्ट यासे नेमकिपा नेपालया राजनीतिखय् 'प्रकाश स्तम्भ' काथं हज्याड चवंगु खाँ काड दल ।

ज्या इवःसं प्राध्यापक समाजया केन्द्रीय दुजः सुनिल दुवाल नेपःया राजनीतिक आन्दोलनयें खानय् दःगु खोटा विचारया खण्डन व अर्थ शास्त्र समाज नेपालया केन्द्रीय अध्यक्ष मुरज दिदियां नेमकिपा निस्वानय्मःगु आधारत काड दल ।

ज्या इवःसं ग्वसाखलःया केन्द्रीय छ्याञ्जे शिवराम धुख्वाजुं नं न्वचु तयो द्यगु खः ।

आयुर्वेद नेपालया मौलिक चिकित्सा प्रणाली

माघ २४

नेपाल मजदुर किसान पार्टीया छयाञ्जे प्रेम सुवाल जुं खप नगरपालिकाया वडा नं. ६ चोछेँ खप नगरपालिका पाखं चाय्कगु नागरिक आरोग्य सेवा केन्द्रया उलेज्या याड दिल ।



भक्तपुर नगरपालिका जिल्ला आयुर्वेदिक स्वास्थ्य कार्यालयया गवसालय जूगु उगु ज्या इवःसं छयाञ्जे सुवालजुं आयुर्वेद चिकित्सा प्रणाली नेपःया मौलिक व पुलांगु चिकित्सा प्रणाली खः धायोदिल । आयुर्वेद उपचार पद्धति बांलाक छ्यलय्ता मः काथंया संरचनाया विकास याय मगु खाँ ब्याकसे छयाञ्जे सुवाल जुं आयुर्वेद चिकित्सां भनीथाय् हे दैःगु जडीबुटीया संरक्षण व समुचित छ्यलय्गुलि ज्या सानिगु खाँ काड दिल ।

देशय् दुनय् उत्पादन याय् फःगु बस्तु नपां विदेशं अपलं न्याड हयो नेपःया अर्थतन्त्र भन क्वम्हयो वाड्गु खाँ काड दिसे भनीगु देशय् विदेशीप्रभाव अप्वयो च्वंगुलिं सतर्क जुयमःगु खाँ ब्याकसे नेकपाया ल्वापुं देशया राजनीतिक अस्थिरता हयो च्वंगु खः धायोदिसे ब्यक्तिगत स्वार्थ व महत्वकांक्षां याड नेकपा विभाजन पाखय् वाड्गु च्वंगु खाँ ब्याक दिल ।

खप नगरपालिकाया प्रमुख सुनिल प्रजापतिजुं आयुर्वेद चिकित्सा पाखं

मनूतय्ता छुं काथंया मभिं मजुइगु व आयुर्वेदिक वास नःसा ल्वय नपां ल्वाय फैगु क्षमता अप्वइगु खाँ ब्याकसे कोभिड संक्रमणं बचय् जुयता थौ या इलय् आयुर्वेद चिकित्सा विज्ञान ग्वाहाली जुइगुलिं खप नगरपालिकां न्हिया न्हिथं व बः छिया छक निःशुल्क आयुर्वेदिक उपचार सेवा बियो वयो च्वडागु खाँ ब्याक दिल ।

खप नगरपालिकाया उप-प्रमुख रजनी जोशीं नेपःया राष्ट्रिय पहिचान काथं हब्वयो वयो च्वंगु आयुर्वेद चिकित्सा पद्धति ई काथं विकासयाड यंकय् मःगु नपां म्हवचा जक आय स्रोत दः पिनिपुं विरामीपिसं नं वास याय् फैगु काथं निःशुल्क उपचार

छुं हे नकारात्मक असर मयाइगु आयुर्वेद चिकित्साया महत्व अपलं दःगु खाँ काड दिल ।

ज्या इवःसं स्थानीय शिक्षक गणेश राम थुसां आयुर्वेद चिकित्सां देशता थःगु तुतिखय् दानय् फय्क विइगु खाँ ब्याकसे खप नगरपालिकां जनताया भावना काथं ज्या साड जनताया मन त्याक वयो च्वंगु खाँ काड दिल ।

ज्या इवःसं खप नगरपालिका वडा नं. ६ या वडाध्यक्ष हरिराम सुवाल जुं वडा पाखं याड वयो च्वंगु सम्पदा संरक्षण व विकास निर्माणया ज्या त काड दिलसा खप नगरपालिका



याइगु थजगु औषधालयया महत्व व प्रभाव जनस्तरय् थ्यंकय्ता अपलं प्रचार-प्रसार याय्मः धायो दिल ।

जिल्ला आयुर्वेदिक स्वास्थ्य कार्यालयया प्रमुख डा. नदन कँडेल जुं पुनिगु ल्वय स्वयो मपुनिगु ल्वयया जोखिम अप्वयो च्वंगु थौ या इलय् मानव स्वास्थ्यसं

कार्यपालिकाया दुजः रोशन मैयाँ सुवाल जुं मनू तय्गु जीवनय् आयुर्वेदिक वासया महत्व बारे काड दिल ।

वहे ज्या इवखय् मू पाहाँ प्रेमसुवाल जुं वडाया अपाड्गता जूपुं मनू तय्ता अपाड्गता सहायक सामग्री लः ल्हाड दिल ।

भाजु पुखुली जलेश्वर देगः निस्वान

माघ २२

खप नगरपालिका वडा नं. १ दुधपाटी च्वंगु भाज्या पुखुली दशवी लाक च्वंगु जलेश्वर महाद्योया देगः निस्वानय्गु ज्या यासे खप नगरपालिकाया प्रमुख सुनिल प्रजापतिजुं खप नगरपालिकां याड वयो च्वंगु सम्पदा संरक्षणया ज्या इवःसं खप देशय् देशं दुनय्या आन्तरिक व देशपिनय्या वाह्य पर्यटकत व्वनयता ग्वाहाली जुइ धायोदिसे खपया मूर्त अमूर्त सम्पदा म्वाकः तय्गु ज्या खं खप नगरपालिकां पिब्वयो वयो च्वंगु विशेषता खः अलय् ऐतिहासिक व सांस्कृतिक ल्याखं नं भाज्या पुखु तस्कं गौरवया

प्रमुख प्रजापति जुं नगर दुनय्या सार्वजनिक मठ, देगः ल्हवनय्कानय् व दानय्गु ज्या जक याडां मगा धायो दिसे अजगु सांस्कृतिक संरचनात लिपा थ्यंक ल्यंकः तय्ता खप नगरपालिका हज्याड च्वंगुलि खपया सकल जनतां थुकी ग्वाहाली व साथ बियो च्वंगु खाँ ब्याक दिल ।

प्रा.डा. पुरुषोत्तम लोचन श्रेष्ठ जुं भाज्या पुखुया अध्ययन अनुसन्धान याय्गु सु-अवसर ब्यूगुलिं गौरवान्वित जुयागु खाँ ब्याकसें थुगु पुखुया अध्ययन अनुसन्धानया इवलय् पुखुया दशवी च्वंगु पश्चिमाभिमुख शिखर शैलीया देगः दःगु खाँ सिय् दत ।

गुगु देगः व पुखु भूगु थःगु हे मौलिक पहः व शैली खप नगरपालिकां दयकवःगु तस्कं बांलागु पक्ष खः धायो दिल ।

भाज्या पुखुया जलेश्वर देगः दानय्या नितिं देगः दःगु थासय् मुलः स्वयाबलय् लुयो वगु अवशेषत अपलं ग्वाहाली जूगु खाँ डा. श्रेष्ठ जुं धायोदिसे वहे इवलय् लुयो वगु शिलालेखं (लोहँ पौ) उगु देगः या बारे तथ्य खाँ सिइकेता ग्वाहाली जूगु खाँ ब्याक दिल ।

ज्या इवःसं खप



योजना खः धायोदिल ।

वयकलं जलेश्वर महाद्योया देगः खप देया छगू तिसा थें जुइगु खायँ बः ब्यूसे सांस्कृतिक महत्व कः घाड च्वंगु यँया रानीपुखु ल्हवनय्गु ज्या नं खपया जनता तयसं यागु योगदान काड दिसे देया सम्पदा म्वाकः तय्गुलि खप देशं ग्वाहाली याय दःगु खप दे या जनताया गौरवया खाँ खः धायो दिल ।

नगरपालिका वडा नं. १ या वडाध्यक्ष श्यामकृष्ण खत्री जुं जलेश्वर देगः व भाज्या पुखु दय्केगु, दानय्गु ज्याखय् स्थानीय जनताया साथ व ग्वाहाली दैगु विश्वास प्वंकः दिल ।

ज्या इवःसं जलेश्वर देगः पुनः निर्माण उपभोक्ता समितिया नायो लक्ष्मी नारायण खत्री, समितिया दांभारी कृष्ण प्रसाद दुमरु व रामगोपाल बमनं नं न्वचु तयो द्यूगु खः ।

लान्चा फल्चा ल्हवनिगु

माघ २५

खप नगरपालिका वडा नं. १० या लान्चा फल्चा ल्हवनयता शनिबार स्थानीय जनता मुडः कृष्ण नारायण दुमरुया नायोलय् न्हय्म्हासिया उपभोक्ता समिति निस्वान । उपभोक्ता समितिसं जगत लक्ष्मी दुमरु, महावीर अमात्य, विष्णु प्रसाद तिमिलिसना, उत्तम दुवाल, पूर्ण केशरी साँद, हरिराम बुयोपुं चवड द्यूगु दः ।

अथेहे वडा नं. १० या वडाया दुजः जीतेन्द्र मुनंकःमिया कजिलय शिवराम साँद, बुद्धिकुमार मुस्याख्वः, नवराज भण्डारी व नरेन्द्र सुवाल जुपुं नपांया अनुगमन समिति निस्वान ।

खप नगरपालिकां उगु ऐतिहासिक फल्चा ल्हवनय् कानय्, दानय्गु ज्यायाय् तांगु खः ।

लेखा समितिया प्रतिवेदन पारित

माघ २२

खप नगरपालिकाया प्रमुख सुनिल प्रजापतिया नायो सुई च्वंगु खप नगरसभाया च्याकगू नगरसभां खप नगरपालिकाया लेखा समितिया प्रतिवेदन २०७७ सर्वसम्मतिं पारित यात ।

प्रमुख प्रजापति जुं खप नगरपालिकां आर्थिक पारदर्शिताता विशेष ध्यान बियो ज्या साड वयो च्वंगु नपां जनप्रतिनिधिपिन्ता आर्थिक अनुशासन ल्यंकः तय्ता ग्वाहाली जुइगु खाँ ब्याकसे महालेखां धःगु गुलि नं खाँ त नीतिगत रुपं मिलय् याय् छिंगु खाँ ब्याक दिल ।



वयकलं स्थानीय तहया जनप्रतिनिधिपुं ब्रदनाम जुयो च्वंगु पाख्य् ध्यानाकर्षण याड दिसे खप नगरपालिकां याड च्वंगु ज्यात स्थानीय तहया जनप्रतिनिधिपिसं स्वयो च्वंगुलि आर्थिक अनुशासनय् बःबियमः धायोदिल ।

खप नगरपालिकाया आ.व. २०७५/७६, २०७४/७५, २०७३/७४ या महालेखा परीक्षकया कार्यालयं लेखापरीक्षण याड खप नगरपालिकाता ब्यूगु दकलय लिपाया लेखा परीक्षण प्रतिवेदनय् क्यंगु नियमित यायमःगु, असुल उपर याय् मःगु व प्रमाणपेश यायमःगु बेरुजुया सम्वन्धय् नगरपालिकाया नगरसभां निस्वांगु लेखा समितिया बैठकय् अध्ययन व छलफल जुयो बेरुजु फछ्योटया लागिं पेश जूगु प्रतिवेदन नगरसभाय् पेश जूगु खः ।

लेखा समितिया प्रतिवेदनबारे छलफलय् सभासद शिव प्रसाद बालां थःगु बिचः प्वंक द्यूगु खःसा छलफलय् न्यंगु न्ह्यसःया लिसः लेखा समितिया कजि हरि प्रसाद बासुकलां बियो दिल । महालेखां क्यंगु फुक्क धाय्थें खाँत समाधान जुय धुंगु व छुं छुं खाँत जक नीतिगत अस्पष्टता दःगु लिं स्पष्ट याड महालेखा परीक्षकया कार्यालय च्वयो छवयगु खाँ ब्याक दिल ।

नगर सभाया मेगु बैठक माघ २६ गते सोमबार न्हिय् सिया १:०० ता इलय् च्वनय्गु याड दिक् यात ।

मिखा जाँचया शिविर जुल

माघ २४

खप नगरपालिका वडा नं. ४ या स्वास्थ्य समितिया ग्वसालय् जूगु मिखाया शिविर या उलेज्या याड दिसे खप नगरपालिकाया उप-प्रमुख रजनी जोशी जुं खप नगरपालिकां शिक्षा स्वास्थ्य, संस्कृति नपां नगरबासी पिनिगु जीवनस्तर थाकाय्ता नेमकिपाया घोषणा-पत्रं लाँपु क्यड च्वंगु काथं ज्या साड च्वडागु खाँ काड दिल ।

उप-प्रमुख जोशी जुं खप नगरपालिकां खप अस्पताल चाय्केगु कुतः याड च्वंगु खाँ काड दिसे गरिब जनताया काय् म्हयाय् पिन्ता उच्च शिक्षा काय्के विय्ता व खप नगरता ज्ञानविज्ञानया केन्द्र दय्केता मदिक्क ज्या साड च्वंगु खाँ कांसे बालशिक्षा व शिशु स्याहार केन्द्र या सुधारया लागिं खप नगरपालिकां मथां मथां फछिं फक्व कुतः याड च्वंगु व कोभिड १९ या संक्रमणं मथिइकः मपुंक तय्ता खप नगरपालिकां क्वारेन्टाइनया थाय् दय्कगु खाँ काड दिल ।

नेमकिपा खप नगर समितिया दुजः नपां स्वास्थ्य समितिया सल्लाहकार उपेन्द्र सुवालं खप नगरपालिकां नगरय् ब्याक्क स्वास्थ्य अभियान न्ह्याकः वयो च्वंगु खाँ ब्याकसे दाफाभजन, संस्कृति व सम्पदा सम्बन्धी ल्याब दय्क हज्याय् मःगु खाँ ब्याक दिल ।

खप नगरपालिका ४ या वडाध्यक्ष कुमार चवालं ल्वय मदय्क निरोगी जुयो च्वनय्ता सकल वडाबासीपिसं त्वः मफिइक वास नयगुलि बिचः याय मःगु, स्वस्थकर, जिवयताभिगु नसा जक नयमःगु सुचुकुचुख्य् ध्यान तय्मः धायोदिल ।

खप नगरपालिका वडा नं. ४ स्वास्थ्य समितिया कजि कृष्ण लक्ष्मी दुवालया सभानायोलय् जूगु ज्या इवःसं सामुदायिक स्वास्थ्य केन्द्र च्याम्हासिंहया स्वास्थ्यकःमि डा. भोजराम पोखरेल, भारती आधारभूत स्कूलया शिक्षक न्हुछेराम भेले पिसं नं न्वचु तयो द्यूगु खः ।

शिविर सं १८६ म्हा सिनं मिखा जाँचय् याकगु खःसा २४ म्हा सिया मोती विन्दुया शल्यक्रिया नं यागु खः ।

कानून व्यवसायीपुं नपां अन्तरक्रिया

माघ २४

नेपाल मजदुर किसान पार्टी नपां स्वापु द:पुं कानून व्यवसायीपिनिगु सङ्गठन कानून अध्ययन समाज नेपाल भक्तपुर जिल्ला समितिपाखं नेमकिपाया ४७ कगु निस्वाना दिवसया लसताय ग्वस: ग्वगु समसामयिक राजनीति व नेमकिपाया कानुनी संघर्ष विषय जूगु अन्तरक्रियासं मू पाहाँ नेमकिपाया केन्द्रीय दुज: नपां ख्वप नगरपालिकाया प्रमुख सुनिल प्रजापतिजुं कानून व्यवसायीपिसं सामाजिक नैतिकताता बिच: याड जुयम: गु नपां व्यवसायिकताया नामय नैतिकता लुमांकल ध:सा लिपा पछुतावय जुय मालिगु ई वयफ: गुलिं सचेत जुयम: धायोदिल । नपां कानून व्यवसायित नं राजनीतिक रुपं सचेत व संगठित जुयता ब: याड दिल ।



वयकलं सही राजनीतिक विचारधारा व नैतिकतां निर्देशित मजपुं न्ह्याक्वहे प्रतिभावान पुं कानून व्यवसायी जूसां देश व बहुमत जनताया सेवाख्य असफल हे जुई । ज्ञान व प्रतिभा भिगू थासय छ्यलय फै मखु । उकिं राजनीतिक स्पष्टता मदयक मगा धायोदिल ।

वयकलं कानुनी संघर्षजक जनताया समस्या ज्यंकय मफैगुलिं नेमकिपां कानुनी संघर्ष नपां नपां राजनीतिक संघर्षता नं हज्याक च्वंगु खाँ ब्याकसे देशय सत्ताया ल्वापु व अनैतिक गठबन्धन याकयगु स्वयो न्हंगु जनदेशया लागिं निर्वाचन हे तस्कं बांला धायोदिसे तुरुन्त सत्ताय वानय म:पिसं निर्वाचनया विरोधयाड च्वंगु खाँ धायो दिल । नपां केन्द्र व प्रदेश सरकारं नेप:या संविधान २०७२ रं बियो त:गु स्वायत्तता व विकेन्द्रीकरण या

व्यवस्थाता पटक-पटक हाचां गायो जूगु खाँ ब्याकसे कानुनी संघर्षया माध्यमं सरकारय च्वंपिन्ता खवरदारी यायम:गु खाँ ब्याक दिल ।

नेमकिपाया वैकल्पिक केन्द्रीय दुज: नारायण बहादुर दुवालं नेमकिपा निस्वासां निसें देश व ज्या साड नैपुं वर्गया भिं जुडगु ज्याख्य कानुनी व गैरकानुनी संघर्ष याड वयो च्वंगु खाँ कासे न्हपा न्हपा भीकय कानून ब्वड त:पुं पासापुं मरुगुलिं दु:ख जूगु खाँ काड दिल ।

वयकलं देशय पुँजीवादी व्यवस्था द: तलय शोषण, दमन व अन्याय जुयो तुं च्वनिगु खाँ ब्याकसे कानून अध्ययन समाजया दुज: पिसं शोषित पिडित व अन्यायलय लाड च्वंपुं मनूतयता कानुनी संघर्षख्य साथ वियम: धायोदिल ।

नेमकिपा भक्तपुर जिल्ला समितिया दुज: पाण्डव सुवाल जुं अपलं धायथें स्थानीय तहलय वापुं शासक दलया जनप्रतिनिधिपुं देश व जनताप्रति संवेदनशील जुय मफूगु अपुं कमाउधन्दाय वांगुलिं जनतां तस्कं दु:ख स्यूगु खाँ ब्याकसे अजपिसं यागु अधिकार दुरुपयोगया विरुद्ध कानुनी संघर्षता हज्याक यंकयम: धायोदिल ।

वयकलं कानून व्यवसायी पिसं कानुनी व्यवस्थाया विशेषता व कमजोरीया बारे अध्ययन याड: जनताता सचेत व सजग यायम: धायोदिल । कानून अध्ययन समाजया केन्द्रीय नायो नपां अधिवक्ता राम प्रसाद प्रजापतिजुं समाजं निस्वासां

निसें समाजया दुज: पासापिगु अध्ययनया स्तर थाकायता नपां सार्वजनिक हितया विषय नि:स्वार्थ गवाहली याड वयो च्वंगु खाँ काड दिल ।

वयकलं समाजय वर्ग द: थें कानून व्यवसायीपिनी दश्वी नं वर्ग दैगु खाँ ब्याकसे कानून अध्ययन समाज समाजवादप्रति आस्थावान व ज्या साड नैपुं ज्यापु-ज्यामि वर्गया पक्षय प्रतिवद्ध कानून व्यवसायीपिनिगु संगठन ख: धायोदिल ।

कानून अध्ययन समाज नेपाल भक्तपुर जिल्ला समितिया नायो नपां अधिवक्ता राजु कैतीया सभानायोलय जुगु अन्तरक्रिया ज्या इव:सं अधिवक्ता प्रमोद ज्याख्व: अधिवक्ता विकल प्रजापति, अधिवक्ता राजाराम दुवाल, अधिवक्ता राजेन्द्र सुवाल, अधिवक्ता अनिता जधारी जु पिसं नं थ: थगु बिच: प्वंक द्यूगु ख: ।

वर्तमान राजनीतिक विषय अन्तरक्रिया

माघ २३

नेपाल मजदुर किसान पार्टीया केन्द्रीय नायो नारायणमान विजुक्छे जूया मू पाहाँल्य दे या वर्तमान राजनीतिक परिस्थिति: शिक्षा व स्वास्थ्यखय लाड च्वंगु लिचव: विषयसं खप नगरपालिका पाखं न्ह्याक च्वंगु खप बहु प्राविधिक अध्ययन संस्थानया ग्वसालय जूगु अन्तरक्रियासं न्वचु तयो दिसे धेबा धेबाजक धेबाया ल्यूनयें जुइपुं डाक्टर तयसं सेवाया धात्थेंगु परिभाषा मथुइगु खाँ ब्याक दिल । वयकलं चिकित्सक पिसं सेवा भावं विरामी पिनिगु सेवा यायमःगुलि बः बियो दिसे डाक्टरी शिक्षाखय जुयो च्वंगु ब्यापारीकरणं याड सामान्य मनूत थुगु लागाय वय मफःगु नपां दांकः व भिंक बांलाक स्वास्थ्य सेवा कायगुलि आम नागरिक वञ्चित जूगुलिं वयकलं चिन्ता नं प्वंक दिल ।

वयकलं स्वास्थ्य कःमि पिन्के कुटनैतिक दक्षता दयमःगु खाँ काड दिसे संकटया न्ह्यागु नं इलय देया निंतिं ल्वाय्ता तयार जुयो च्वनय मःगु व न्हंगु पुस्ताता दे व जनताया सेवाखय समर्पित जुयो ज्या सानयगु भावनां जायकः हचिइकेता प्राध्यापक पिसं बः यायमः धायोदिल ।

खपय खप विश्व विद्यालय न्ह्याकय्या लागिं नेमकिपां मदिकक सः श्वयक वयो च्वंगु खाँ ब्याकसे वयकलं खपय शिक्षाया प्रचारयाड हे मिसा मस्त शैक्षिक रुपं हज्याड वगु व गुकिं मिसामस्त नं न्हयलुवा जुयो हज्याय्ता ग्वाहाली यागु खाँ काड दिल ।

ज्या इवःसं खप नगरपालिकाया प्रमुख नपां कलेज ब्यवस्थापन समितिया नायो सुनिल प्रजापति जुं धेबाया लागिं जक ज्या सानिपिसं देश व जनताया सेवा यायमः धायगु मस्वइगु खाँ काड दिसे कोभिड महामारीया इलय खप नगरपालिकां जनताया सेवा यायमः धायगु भावनां थाकु मधः सें मदिकक ज्यासांगु खाँ काड दिल । वयकलं निजी अस्पतालया वास याकय बलय तस्कं थिकय जुइगुलिं गरिब जनतात अस्पताल स्वस्वं अकालं सीय मालिगु खाँ कुल दिसे खप नगरपालिकां शिशु स्याहारनिसें स्नातकोत्तर तहतक दांकः भिंक



गुणस्तरीय शिक्षा बियो वयो च्वंगु खाँ काड दिल ।

संस्थानया न्वकु नपां खप नगरपालिकाया उप-प्रमुख रजनी जोशी जुं खपया शिक्षा, स्वास्थ्य, सुचुकुचु नपां मेमेगु क्षेत्रय वगु ह्युपा खय नेमकिपाया लाहा दःगु खाँ काड दिसे खप नगरपालिकां स्थानीय तहया निर्वाचनय इलय पिकःगु नेमकिपाया घोषणा-पत्रता आखः छगः हे मपाकसें पालना याड थःगु ज्या हज्याक यंकः चवडागु खाँ ब्याक दिल ।

ज्या इवःसं जनस्वास्थ्य सेवा केन्द्र खपया डा. पुण्यराम खर्जा, डा. अमर प्रजापति, व डाक्टर बालकृष्ण चांगुभारी जु पिसं चीन, दक्षिण कोरिया, बंगलादेश, फिलिपिन्स लगायतया देशय आखः ब्वे वाडा बलयया अनुभव काड दिसे आनाया स्वास्थ्य स्थिति बारे काड दिल ।

उगु ज्या इवःसं खप बहुप्राविधिक अध्ययन संस्थानया प्रमुख डा. रत्न सुन्दर लासिवा, संस्थानया सिभिल विभागया विभागीय प्रमुख ई. रमेश सुवाल, नर्सिडया उप-प्राध्यापक गंगा केशरी कोजू पिसं नेमकिपा निस्वानय मःगु या उद्देश्य, विधान व नेमकिपाया न्हयकगु महाधिवेशनं पारित यागु ज्याइवः या विषय काड दिल ।

सदिच्छा साकोसं ग्वाहाली



माघ २३

खप नगरपालिका प्रकोप ब्यवस्थापन कोषया लागिं खप सल्लाघारी च्वंगु सदिच्छा बचत व ऋण सहकारी संस्थां रु. २०,५२८।- (नीद्व व डास व निच्यार्का) दां ग्वाहाली यागु दः । खप नगरपालिकां कोभिड नियन्त्रण व मथिइक, मपुक पाड तय्ता उगु कोष दयकगु लि थी थी दातापुं, संघ, संस्था व सहकारी पाखं मदिकक भौतिक व आर्थिक ग्वाहाली याड च्वंगु दः ।

नेमकिपाया स्थापना दिवसया थी थी ज्या इवः

तलेजु सांस्कृतिक समुहं हि दान

नेपाल मजदुर किसान पार्टीया पी न्ह्यकगु निस्वाना दिवसया लसताय तलेजु सांस्कृतिक समुहया ग्वसालय ख्वपया लायकुली हि दान ज्याइवः यात ।



ज्या इवःसं ख्वप नगरपालिका वडा नं. ३ या वडाध्यक्ष राजकृष्ण गोरालं मनू जुयो थःगु सामाजिक दायित्व पू वांक्य मः धायोदिसे नेपःया कम्युनिष्ट आन्दोलनय खानय दःगु 'खोटा विचारहरुको खण्डन' 'नेपाल भारत सम्बन्ध र भारत' रुसी संशोधनवाद सामाजिक साम्राज्यवादमा पतन' थी थी दस्तावेजया लिधंसाय नेमकिपाया नायो नारायणमान बिजुक्छेँ (का.रोहित) जुं नेमकिपा निस्वांगु खः धायोदिल ।

ज्या इवःसं नवीना भैल नं न्वचु तयो द्यूगु खः । ग्वसाखलया नायो रोशन गोरालं ५९ म्हा सिनं हि दान यागु जानकारी बियो द्यूगु खः ।

साफू ब्वज्या

नेपाल मजदुर किसान पार्टीया पी न्ह्यकगु निस्वाना दिवसया लसताय येँ या थी थी थासय हिन्हु तक जूगु साफू ब्वज्या आइतबार क्वचाल । माघ ११ गते स्वनिगःया दक्षिणकाली नगरपालिकां न्ह्याकगु साफू ब्वज्या शंखरापुर नगरपालिका वडा नं. ७ य वयो क्वचाल ।

समापन ज्या इवःसं वागमती प्रदेश सभासद सुरेन्द्रराज गोसाईं जुं 'शासन सत्ताया लुछाचुँदीखय जुयो च्वंगु इलय भीसं गांगामय राजनीतिक चेतना बियो पार्टी स्थापना दिवस डायकः


हेटौडा, चितवन व बुटवलय साफू ब्वज्या यासे पार्टी तराईया पीडाबारे स्थानीय जनतानपां छलफल नं यागु खाँ ब्याक दिल ।

नेमकिपा निस्वानय मःगु कारण व नेपःया इतिहासय छिड वयो च्वंगु पलाया बारे चर्चा यासे पार्टीया वैकल्पिक केन्द्रीय दुजः नारायण बहादुर दुवालं काड दिसे नेपःया संशोधनवादी व अराजकतावादी पार्टीतयसं भारतीय विस्तारवादया विरोध याइमखु धायो दिल ।

ज्या इवःसं साँखुया समाजसेवी राजदास श्रेष्ठ ज्ञानया भण्डार हे ज्वडः थःगु गामय वगुलिं सुभाय देछायो दिसे वयकलं कम्युनिष्टया नां तयो कम्युनिष्टया बदनाम याड च्वंम्हा नेकपाता कुखिसे कम्युनिष्ट मखु धायोदिल ।

सामाजिक अभियन्ता प्रकाश श्रेष्ठ साँखुया ऐतिहासिकता चर्चा यासे हकनं हकनं साफू ब्वज्या याइबलय ग्वाहाली याय्गु बचं बियोदिल । अथेहे स्थानीय पौ 'लावण्य सन्देश' या सम्पादक पवनलाल श्रेष्ठ जुं साफू ब्वज्या, ब्वनामिपिन्ता तस्कं ग्वाहाली जुगु खाँ काड दिल ।

ज्या इवः क्वचाय्केगु इवलय नेमकिपा येँ जिल्ला कमितिया नायो नारायण महर्जनं साफू ब्वज्या याय्मःगुया कारण काड दिसे 'दिमागय आन्दोलनया शक्ति व भावना मरुसा ह्युपा ह्यु फैंमखु धायोदिसे हिन्हु तक जूगु साफू ब्वज्या खय आर्थिक भौतिक व नैतिक ग्वाहाली याड द्यूपुं युवा, विद्यार्थी व स्थानीय ब्यक्तित्व व ब्वतिकायो द्यूपुं सहभागी सकलसिता सुभाय देछायो दिल ।



दक्षिणकाली, केपु नपां हिछगूतुं नगरपालिकाय ग्वसःग्वगु साफू ब्वज्या खय अपलं पाठक पुं सहभागी जूगुलिं ज्या इवः न्ह्याकामि राजवीर डंगोलजुं लय्ता प्वंक दिल । दाहाल नेपाल नेकपाया बन्दं माघ २२ गते बुढानिलकण्ठ न.पा.खय ज्या इवः जुय

मफगु खाँ गवसाखलं ब्याकगु जुल ।

नपली ब्याडमिन्टनया धिं धिं बल्ला

नेमकिपाया ४७ कगू निस्वाना दिवसया लसताय ख्वप नगरपालिका वडा नं. १ ब्यागु पुरुष जोडी ब्याडमिन्टनया धिं धिं बल्ला सं नेपाल मजदुर किसान पार्टीया केन्द्रीय दुजः नपां ख्वप नगरपालिकाया प्रमुख सुनिल प्रजापति जुं ख्वप नगरपालिकां शिक्षा, स्वास्थ्य, सम्पदा संरक्षण, लहवनय्-कानय् व दानय्गु ज्यायाता बः ब्यू ब्यू ल्यासे ल्याम्होपिन्ता, ब्वनामिपिन्ता अनुशासन व स्वस्थ जीवनया लागिं थी थी कासाया प्रशिक्षण ब्यूब्यू वयो च्वंगु खाँ ब्याक दिल ।



ख्वप नगरपालिकां कासाया विकासया लागिं अन्तर नगर कासाया धिं धिं बल्ला व नगर ब्यागु ब्वनय् कुथि तय्गु दश्वी कासाया धिं धिं बल्ला याड वगु खाँ ब्याकदिल ।

ख्वप नगरपालिका वडा नं. १ या वडाध्यक्ष श्याम कृष्ण खत्री जुं नेमकिपा वडा नं. १ या वडा इन्चाज लक्ष्मी नारायण राजलवट, नपली सिर्जना सेवा समाजया नायो राममणी पोखरेल, कासामि राजन दाहाल, गवसाखलया कजि सुर्य प्रसाद श्रेष्ठ व चेतनाथ कट्टेल पिसं नं न्वचु तयो द्यूगु खः ।

धिं धिं बल्ला सं नपली ब्याडमिन्टन क्लबया राजन दाहाल व केशब बस्नेत न्हाप व भार्वाचो ब्याडमिन्टन क्लबया कृष्ण पौडेल व दामोदर वाइजु ल्यू लाक सिरपा त्याकः द्यूगु खः ।

त्याकपुं कासामिपिन्ता ख्वप नगरपालिकाया प्रमुख सुनिल प्रजापति जुं सिरपा लः ल्हाड दिल ।

स्वन्हूया तालिम बिल

नेपाल मजदुर किसान पार्टीया पीन्ह्यूकगु निस्वान दिया लसताय ख्वप नगरपालिका वडा नं. ७ कृषि समितिया गवसालय् जूगु स्वन्हूया कःसि खेती व नेपाली सः(कम्पोष्ट मल) दय्केगु

ड्यडागूगु स्वप पौ. बःधि पौ(पाक्षिक)

तालिमया दसि-पौ इयगु व प्रशिक्षण ज्या इवःसं ख्वप नगरपालिकाया प्रमुख सुनिल प्रजापतिजुं कःसि सय्कगु तरकारी ताजा, स्वच्छ व सफा जुइगु नपां तरकारी न्यायता खर्च, नपां ई नं बचे जुइगुलिं तालिमता सदुपयोग यायता बः बियो दिल ।

वयकलं समाजया अनेक विकृतिखं न्हूंगु पुस्ताता सचेत याड तय्मः धायोदिसे श्रमता सम्मान याइगु संस्कृति ब्वलांकय् मः धायो दिल ।

ख्वप नगरपालिका या फुक्क वडाय् मिखाया शिविर व मिसातय्गु स्वास्थ्यता विचः याड मचाछँ (पाठेघर) शिविर न्ह्याक वयो च्वंगु खाँ ब्याकसे प्रमुख प्रजापति जुं स्वस्थ नागरिक पिसं जक देश विकासय् ग्वाहाली याय् फँ धायो दिल ।

वयकलं निर्वाचनं अपलं जनतातयता राजनीतिक चेतना ब्वलांक विइगुलिं नेमकिपा निर्वाचनया पक्ष दःगु खाँ ब्याक दिल ।

ख्वप नगरपालिका वातावरण तथा पर्यटन समितिया नायो रविन्द्र ज्याख्व जुं श्रममयागुलिं थौ कन्हयँ थी थी मपुनिगु ल्वयत खानय् दयो तस्कं ग्यापुयो च्वंगुलिं सचेत जुयमःगु खाँ ब्याकसे ख्वप नगरपालिकां छँ नं वैगु फोहर छँ सं हे सः दय्कः छयय्केता कःसि खेतीया तालिम ब्यूगु खाँ काड दिल ।

ज्या इवःया सभानायो नपां ख्वप नगरपालिका वडा नं. ७ या वडाध्यक्ष उकेश कवां जुं नेमकिपां ख्वपया शिक्षा हज्याकयता याड वगु ज्या काड दिसे नेमकिपां अपलं ज्या साड नैपुं ज्यापु ज्यामि वर्गया भिंजुइगु ज्या याड वयो च्वंगु खाँ काड दिल ।



ज्या इवःसं नेमकिपा वडा नं. ७ इनाचो एकाइ समितिया कजि कृष्ण गोविन्द लाखा, नेमकिपा वडा नं. ७ गोल्मढी एकाइया कजि बलराम गोसाईं, ख्वप नगरपालिका वडा नं. ७ कृषि समितिया कजि हेरा ख्याजु, समितिया छयाञ्जे हरिकृष्ण सुकुपायो व प्रशिक्षार्थीपिनि पाखं शर्मिला बासुकलां न्वचु तयो द्यूगु खः ।

ख्वप नगरपालिकाया प्रमुख सुनिल प्रजापति जुं तालिमय् ब्वतिकायो द्यूपुं ३० म्हा प्रशिक्षार्थी पिन्ता दसि पौ लः ल्हाड दिल ।

खवप नगरपालिकाया च्याकगू सभा चालु

माघ २६

खवप नगरपालिकाया च्याकगू नगरसभाया सभाध्यक्ष नपां नगरप्रमुख सुनिल प्रजापतिया नायो सुई बैठक चवन ।
उगु बैठकं खवप नगरपालिका पाखं न्ह्याक चवंगु खवप



इञ्जिनियरिङ्ग कलेज व खवप कलेज अफ इञ्जिनियरिङ्ग विनियम संशोधन प्रस्ताव र आर्थिक वर्ष २०७७/७८ य् स्वीकृत योजनाया लागिं बजेट संशोधन प्रस्ताव पारित यात ।

बैठकय् खवप नगरपालिका पाखं निस्वांगु न्यायिक समिति, अपाङ्गता म्हासिइका पौ इय्गु अस्थायी समन्वय समिति, नवदुर्गा खवःपा दय्केगु अक्षयकोष सञ्चालन कार्यसमिति, शिक्षा, संस्कृति व स्वाथ्य समिति, वातावरण व पर्यटन समिति, महिला बाल बालिका तथा समाज कल्याण समिति, युवा तथा खेलकुद समिति, कृषि समिति/बजार अनुगमन समिति निर्माण समिति, विधायन समिति, आर्थिक समिति/लेखा समिति, खानेपानी समिति, सहकारी संस्था, अनुगमन समिति, खवप नगरपालिका देसी सः इय्गु व ब्यवस्थापन समितिया प्रतिवेदनत पिब्वय्गु ज्या जुल ।

नगरसभाया मेगु बैठक फागुन १ गते ११ बजे चवनय्गु याड दिक्ु यात ।

इञ्जिनियरिङ्ग कलेजय् सिरपा लःल्हाय्गु ज्या इवः

माघ २६

खवप नगरपालिकां न्ह्याकचवंगु खवप इञ्जिनियरिङ्ग कलेज व खवप कलेज अफ इञ्जिनियरिङ्गया मंकः ग्वसालय् जूगु चवखँ चव ज्या, वादविवाद, लोकस २०२० नपां थी थी धिं धिं बल्ला खय् त्याकपु प्रतियोगीपिन्ता दसिपौ नपां सिरपा लः ल्हाय्गु ज्या मू पाहाँ खवप नगरपालिकाया प्रमुख नपां कलेज सञ्चालक समितिया नायो सुनिल प्रजापति जुं याड दिल ।

ज्या इवःसं मू पाहाँ प्रमुख प्रजापति जुं खवप नगरपालिका पाखं न्ह्याक चवंगु कलेजत देशयाय् हे उत्कृष्ट कलेज दय्केगु मतिं हज्याड चवडागु खाँ ब्याकसे कलेजय् ब्वड चवंपु ब्वनामिपिन्ता बांलाक ब्वड, सीप व ज्ञान पाखं समाजता फाइदा जुइगु ज्या याय्ता चकांगु नुगः दयके मः धायो दिल ।

खवप इञ्जिनियरिङ्ग कलेजया प्रा. ई. सुजन माक कोभिड १९ या इलय् नं खवप इञ्जिनियरिङ्ग कलेजं अनलाइन पाखं ज्ञान व सीप इड वियागु खाँ काड दिलसा खवप कलेज अफ



इञ्जिनियरिङ्गया प्राचार्य ई. सुनिल दुवालं खवप इञ्जिनियरिङ्ग कलेजं बांलाक ब्वंकय्गु नपां इलय् ब्यलय् थी थी धिं धिं बल्ला कासा याड वगु खाँ ब्याक दिल ।

ड्यङ्गागू स्वप पौ. बःछि पौ(पाक्षिक)



तलेजु साकोस पासं स्वप नगरपालिकां निस्तांगु प्रकोप ब्यवस्थापन कोषय् नीडादुतका दां ग्वाहाली याड दिल । स्वप नगरपालिका या प्रमुख सुनिल प्रजापतिजुं स्वप नगरपालिकां पिथांगु सम्पदाया किपा मुना साफू त मेमेगु पिथनात उपहार स्वरूप बियोदिसे सुभाय देखायो दिल ।

सम्पदा त विकास निर्माण निरीक्षणया इवलय् नगर प्रमुख सुनिल प्रजापतिजुं स्वप दुधपाटी चंगु च्यासदा पुलांगु भाज्यापुसु दयक चंगु थासय् भायो निरीक्षण याड दिल । उगु ऐतिहासिक पुसुया दशवी चंगु जलेश्वर महाद्योया देगः मौलिक शैली दयकेगु ज्या स्वप नगरपालिकां हङ्ग्याड चंगु दः ।



स्वप नगरपालिकाया प्रमुख सुनिल प्रजापतिजु स्वपया रानी पुसु ल्हवनय् कानय् याड चंगु थासय् स्वः भाल । उगु वडा नं. १ सल्लाघारी लागु ऐतिहासिक रानी पुसु लुयो तगु ऐतिहासिक प्रमाणया लिधंसाय मौलिक शैली ल्हवनयगु ज्या जुयो चंगु दः ।

श्वास प्रश्वास पुनर्स्थापना केन्द्रया उलेज्या

थौ श्वास प्रश्वास पुनर्स्थापना केन्द्रया उलेज्या हानेवहम्हा श्रद्धेय नेता नेपाल मजदुर किसान पार्टीया नायो नारायणमान बिजुक्छे जुं माघ २९ गते पानसय् मता च्याक न्हापांगु चरण व श्वास-प्रश्वास पुनर्स्थापना केन्द्रया भवन रिवन च्याड उलेज्या याड दिल । मू पाहाँबिजुक्छेजुं नगर धाय् धुनयवं आना अस्पताल, शिक्षा या बांलागु व्यवस्था, फोहर मैला व्यवस्थित याय्गु नपां फोहर ना:या उपचार पुखु दय्म:गु, थजगु खाँ हे मथुइक सरकारं नगरपालिका घोषणा यागुलिं जनतां छुं हे परिवर्तनया आभास मयागु खाँ काड दिल । नपां नगरपालिकां नागरिक भावना ब्वलांक, छेँ छेँ वाड सेवा याय् म: धायो दिल ।



सभायानायो नपां ख्वप नगरपालिकाया प्रमुख सुनिल प्रजापति जुं नगरपालिकां स्वास्थ्य क्षेत्रता हज्याक थंका च्वडागु नपां पार्टीया निर्देशनकाथं ज्यासाड जनताया सेवा यायगुलिं छुं हे कसर ल्यं मदय्क ज्या सानय्गु बचं बियो दिल ।

अथेहे नेमकिपाया बागमती प्रदेशया सांसद सुरेन्द्रराज गोसाइँजुं थुगु श्वासप्रश्वास केन्द्रं जनताया सेवा याय्फय्म धायो दिसे बहुदल वगु ३० दा दय्धुंकां अ: दकलय जनताया पहुँचं पिनयलागु क्षेत्र स्वास्थ्य व शिक्षा ख: धायो दिसे ख्वप नगरपालिकां हज्याड याड वयो च्वंगुलिं अभ् नं जनताया सेवा यायां वानय् फयम: धायोदिल । अग्रजपिनिगु इच्छा व आकांक्षा पूवाकेय्ता न्हूगु पुस्तां ज्या सानय म: धायोदिल ।

उगु ज्या भ्त्व:सं भवन निर्माण उपभोक्ता समितिया नायो रत्नप्रसाद प्रजापति, प्रमुख जिल्ला अधिकारी प्रेमप्रसाद भट्टराई, वरिष्ठ दमरोग विशेषज्ञ नपां सोलिड नेपालया नायो डा.खेमबहादुर कार्की, त्रि.वि.

पूर्व विभागीय प्रमुख प्रा.डा.प्रदिप कृष्ण श्रेष्ठ, जापान इन्टरनेशनल मेडिकल टेक्नोलोजी फाउण्डेसन (जिस्टेफ) या प्रतिनिधि नोरिको जु पिसं भिन्तुना देछायो द्यूगु ख: । ख्वप नगरपालिकाया उपप्रमुख रजनी जोशी जु लसकुस न्वचु तयो द्यूगु उगु ज्या भ्त्व:सं ख्वप नगरपालिका वडा नं. ९ या वडाध्यक्ष रबिन्द्र ज्याख्व जुं नं न्वचु तयो द्यूगु ख: ।

न्हापांगु चरणया ज्याभ्त्व: सिधय्क उगु श्वास प्रश्वास पुनर्स्थापना केन्द्र भवनयाउलेज्या, ज्या भ्त्व:या मू पाहाँ नारायणमान बिजुक्छे जुं रिवन च्याड याड दिसे उगु उपचार केन्द्रया क्वथाय् क्वथाय् भ्वायो आनाया व्यवस्था स्वयो दिल । नपां जेष्ठ नागरिक पिनिगु उपचार नं थौ निसं न्ह्याकल ।

उगु केन्द्रं तयय च्याकाथंया सेवा बिई

- दीर्घ दम-म्बसया ल्वगि पिनिगु स्वास्थ्यया अवस्था स्वयो, सिइक:थुइक नपां पुनर्स्थापनाया काथं छिंगु विधि ल्ययो उपचार याइगु
- दीर्घ दम-म्बसया ल्वगि पिनिगु उपचार यायगु, अजपुं ल्वगि तय्ता म:म:गु वासया सेवा व सल्लाह वियगु
- श्वास प्रश्वास पुनर्स्थापना सम्बन्धी अभ्यासता स्यनिगु
- दीर्घ दम-म्बसया ल्वगि पिन्ता नय्म:गु पोषण सम्बन्धी सल्लाह वियगु
- दीर्घ दमया ल्वगिपिन्ता काथं छिंगु मनोविमर्श खाँ कानय्गु
- दीर्घ-दमम्बसया ल्वय मजुइक: पाड तय्ताम:गु शिक्षा व सीप स्यनय्गु
- श्वास प्रश्वास पुनर्स्थापना सम्बन्धी चिकित्सक, नर्स नपां स्वास्थ्य क:मिपिन्ता तालिम बियगु ।



खानेपानी मन्त्रालयया रितेश कुमार शाक्य नपां
(२०७७ माघ १९ गते)



भाज्या पुखुया दशवी च्वंगु जलेश्वर महादेवया देगः
निस्वाडः दिसें नगर प्रमुख (२०७७ माघ २२ गते)



वडा नं. ६ चोर्छेया नागरिक आरोग्य सेवा केन्द्रया उलेज्या
(२०७७ माघ २४ गते)



स्वप नगरपालिकाया ट्याकगू नगरसमा चालु
(२०७७ माघ २६ गते)

